



海國圖志

卷五十七
之五十九

ル 1
3176
16



門ル
號 3176
卷 16



海國圖志目錄

卷五十七

北洋

皆在洲中海以北故以北海別之

普魯社國

一作破魯斯 一作破路斯 一作普魯魯 一作亞爾彌亞 一作馬西噶比 一作來粵之單鷹

卷五十八

噠國

一作棟尼國 一作盈黎馬祿加 國來粵者用黃旗 原無今補

瑞丁國

一作瑞典國與海南之瑞國殊地 一作綏林 謂之藍旗 一作蘇以天 一作雪際亞人 原無今補

海國圖志

卷目錄

新部遂列于大國甫六年與佛蘭西戰敗績于支那國
幾不守近日乘佛蘭西為俄羅斯所敗興兵復仇并糾
沿邊番部助攻佛蘭西約以奪回疆土即令各有其地
番眾踴躍爭先破敵事後王悔前言推諉數年後始如
約至今未踐政事設賀官四人每會議各國之賀官俱
集于耶麻尼兵三等一曰士丹定阿彌一曰蘭威阿一
曰蘭士端其蘭士端之兵惟護衛都城不出征未悉其
數目其士丹定阿彌之兵額設駐防兵萬有七千九百
步兵八萬二千九百三十有八騎兵萬九千六百四十

七砲手萬有三千五百共十四萬一千有奇年三十以
上為一班年四十以上為一班蘭威阿之兵以二十二
萬七千為一班十八萬為一班共兵五十萬有奇故墨
蘭領麥之人充伍者居十之二其各部教門不一或奉
加特力教或奉波羅士特教或由斯教或魯低蘭教
普魯社國在歐羅巴洲中央稍北部落星散幅員十萬
七千有二十五方里戶千有三百八十四萬口轄大部
落九小部落三百四十有三

墨蘭領麥部

東界波斯西界都領吉阿南界塞循北界敏那尼阿

在耶麻尼北少

東與波蘭交界幅員萬六千零四十九方里戶百五十
七千有三口領小部落四十有一其孛斯旦部則舊都
也又佛郎賀部近阿達阿每五年開市交易一次則俄
羅斯波蘭之人皆至國土瘠雖竭力耕種亦不敷用土
產煙苧蔴呢布木絲髮磁器玻璃

東普魯社部東界俄羅斯南界波蘭西界西普魯社北界冰海幅員九千九百

八十五方里戶七十七萬二千五百七十七口領小部
落四十其首部曰南塞有三城貿易皆盛土產與東普

魯社同

波新部東界波蘭西界墨蘭領麥南界西里栖阿北界西普魯社在波蘭國境原屬

波蘭後為普魯社所得地平衍幅員萬一千八百八十

五方里戶百有五萬一千一百三十七口設總領一人

領小部落四十有三奉加特力教由教魯底蘭教土產

穀牛羊極多

西里栖阿部東界波蘭塞牙里西界都領吉阿南界歐塞特里北界波新在歐塞特

里阿波蘭兩國之中濱阿達阿西邊多山東邊多沙幅

員萬五千四百三十一方里戶二百四十五萬五千四

十九口領小部落四十有二皆尊波羅特士頓教其首

部曰墨里斯路又有額那斯部在山谷中有礮臺二土
產苧蔴煙布呢鉛銅鐵砒霜鹽

都領吉阿部東界魯那底阿南界威麻西
界阿那洼北界墨蘭領麥在塞循部落

內最為堅固幅員九千八百零九方里戶百三十九萬

六千二百四十口領小部落二十有三首部曰墨尼麥

街衢廣貿易盛

威塞花里阿部東界希西領俄西界尼達
蘭南界臘引北界哈那洼在荷蘭哈那

洼之間濱獵比河北岸多沙南岸多石山林深密不能

栽種幅員七千八百六十七方里戶百二十一萬零七

百有十二口領小部落二十有一其首部曰曼斯達士
最膏沃又有敏領一部貿易最大土產鐵煤鹽火腿布
大花緞細蔴布嗶嘰

臘引部東界那省西界尼達蘭南
界佛蘭西北界威花里阿先分數部一曰汝里

阿斯一曰格里威斯一曰羅洼臘引後并為一統而名

之曰臘引在耶麻尼荷蘭之中幅員九千七百二十五

方里戶二百二十二萬零八百五十三口領小部落三

十六其首部曰戈祿尼貿易甚大又格里威斯部險固

有礮臺以濱臨臘引河得名東岸有大山西岸多山產

不敷食土產苧蔴布五金絲髮

波彌那尼阿部

東界普魯社南界波新西界墨蘭領麥北界冰海

在巴爾底海

沙灘對海有玉斯南島烏林島魯凝島地皆磽瘠資穀他部幅員八千七百五十八方里戶萬二千四百四十口領小部落四十有三斯特鼎斯特臘山其港口也

普魯社國沿革

原無今補

貿易通志曰破路斯國政事有名國人戴之產五穀材木白鉛大尼麻布商船六百五十二隻外國船進口者二千隻所載入之貨與各西洋國不異此條補入

海錄單鷹國又名帶輦在雙鷹西北疆域風俗略同今番舶來廣東用白旗畫一鷹者是

又曰埔魯寫國又名馬西噶比在單鷹之北

此以單鷹與埔魯社

國為二者蓋埔魯寫指其國都而來粵貿易之單鷹乃其屬地亦猶安集延之于敖罕也疆域稍大風俗與回回同

案普魯社奉天主教且疆域與回回不相接此言風俗偶同非謂教門同也

自亞哩披華至此天氣益寒男女俱穿皮服彷彿如中國所披雪衣夜則以當被自此以北瀕海則不知其所極矣

萬國地理全圖集曰破魯斯國南連峇羅斯奧地利加

日爾曼佛蘭西等國北及巴得冰海東至波蘭我羅斯
國西連綏林領墨等國北極出地自四十九度至五十
八度偏東自六度至二十度廣袤方圓三十二萬方里
居民一千三百萬丁其房屋三百三十一萬一千間每
年入國帑銀三千六百萬員所出者相等其中兵餉銀
千五百六十九萬員國之欠項銀萬三千萬員此時漸
減少兵十六萬五千人其中侍衛萬八千人騎兵萬九
千人礮手萬五千七百步兵十萬零四千另有民壯三
十五萬九千二百共計五十二萬四千國分東西兩方

共十部或在日耳曼內或在於其國外
波魯斯東路各部一曰班丁堡縱橫阿得河流而大舟
航其水面沿河水澤泥地暢茂草場畜牲其餘地平坦
多沙無土故所出之五穀不足用其地面四分之一係
松橡林而已居民製造磁器又織呢緞等貨其會城爲
國都曰伯隣在北極五十度及三十一分偏東十三度
二十二分居民二十二萬丁城周圍三十六里有市二
十二門十五上帝之殿二十七其居民大半皆崇耶穌
正教城內有孤子院養孤子千人武藝院醫院內收諸

法蘭西國志 卷五十一
旅客貧民五千有餘，其殿袤四十六丈，廣二十七丈，高十丈，古狀巍巍，其軍局多大礮兵器，其文學院內有儒千六百餘，其磁器造房有名，居民絲綢布帛百貨製作，在西國最著出眾，商旅不遠萬里而來，一曰陂墨隣部，廣袤方圓三萬六千方里，居民九十萬丁，阿得河通流之，入巴得海，其海濱最低，有沙阜，時出琥珀，南方田豐肥，其餘地多沙，出木料麻五穀，河口商船出入不絕，居民文學甚興，會城士得丁，在河濱，居民二萬七千丁，自有商船百六十隻，其郊長大海口，稱曰瑞隱口，大船出

入無礙，率他港城，在巴得海濱，居民萬五千丁，其上帝之殿堂，蓋以紅銅，額林城內，建文學院，吉隣城在海邊，街直屋美，文石爲路，薩牙居民七千丁，房屋高大，北勒有居民四千，城中學院之師，學問有名，近城有聖池，於宋朝年間，居民初進耶穌之教，時受洗禮，每次數千人，田宜穀麥，突比城，離海不遠，由小河交通，居民巧造琥珀奇器，○治勒隱班之南，一帶山嶺，阿得河源在此境，自南至北通流，其地大半膏腴，所耕之六萬九千頃，多出五穀，但人稠地狹，必由外國運入以補之也，有八千

機杼織夏布，又賣羊毛與英國，山出鐵，每年十五萬石，銀二千六百七十七斤，其會城曰伯老，居民八十萬六千丁，內多巧匠，其文院多名儒，瀕河堅城，曰瑞匿，曰勒匿，曰額刺，曰峩告，曰匿士，皆深溝高壘，又一日薩普部，在隱班部西南，多五穀，其羊毛最細，居民好禮溫柔，皆崇正教，其都會抹得堡，固城，居民三萬二千丁，壘高池深，屢次擊退國敵，哈勒爲大文學院，內有千儒，吉令堡，昔乃尼姑所掌，多寺廟，令居民棄邪歸正，又一日波斯部，乃極東之境，與峩羅斯交界，卽以此都會爲國，各平

坦無山，出五穀，出松櫟，高宜建船，賣與英國，省會玉山，居民六萬三千丁，其城垣周圍二十七里，但不可防禦，攻敵，其河名曰河澤，界境東西，波斯城在此海口，澤城有六萬居民，經營貿易，道光八年，所入之船，千有五，十隻，運出麥最多，敵兵圍困其城，所失者千五百萬員，至北之墨麥城，與西國通商，有得實城，與佛蘭西議和之處，有益平城，在海口，每年進千四百船，又一日波新部，昔屬波蘭，今波斯據其地，釋其奴，教其子，令庶民向化，其民始怨終服，其地惟出五穀，無他物產，會城居

海國圖志 卷五十一
民二萬五千丁，街市廣大，百姓半執異端。坡魯斯西路各部，一曰西法里，在日耳曼國中間，多澤密林，居民織漂麻布，售火腿，半崇異端，未奉正教。其會城曰閔士得，一曰如勒山部，在萊尼河沿山地，居民最巧，造各項鐵器布疋甚眾，每年貨價銀數百萬員。會城曰可倫，在來尼河邊，居民五萬丁，造香水綢緞，其城之廟甚古，入之者自覺肅畏。本城內大文學院，益百田，人民蔚起，戶口繁多，出鐵器布帛，突鄉在萊尼河邊，街闊市廣，爲樂國。一曰下來尼部，多出葡萄酒，但缺五穀，因

山水之秀，遠客恆往遊賞。全地在來尼河濱，其都會曰谷鄰城，有民萬二千。亞金居民三萬二千丁，織造布帛。坡魯斯國新立不久，在明朝年間，爲日耳曼國之諸侯，盡忠治國，其王悅之，封以藩地。於康熙三十九年，始自稱王，號其世子深通韜略，武藝絕倫，又善理財，遂以富強。嗣子菲得王，國帑充足，與外國結仇，百戰百勝，自後威聲大震。後王淫酒，其國漸衰，戰敗受辱，其世子屏斥奸邪，以厚風俗。但嘉慶十一年，佛蘭西水軍由海道侵國，戰敗，所失不可計數，割去地之一半。六年後，捐餉招

兵，結列國爲唇齒，擊退佛軍，攻復舊都，再取昔所據地。國王遂修文偃武，善得民心，務農商，興學院，訓練士卒，召各部貴人會議政務，是以國勢復盛。

地里備考曰：布魯西國，一作普魯社，在歐羅巴州之中，北極出地四十九度起，至五十六度止，經線自東三度三十分起，至二十度三十分止，通國分爲東西二處，東方則東至厄羅斯波羅尼奧斯的里三國，西連亞諾威爾布倫瑞克二國，南接波羅尼奧斯的里薩克索尼三國，北界乖零德勒利地斯二國，暨州中海，長二千一百

二十五里，寬一千一百三十七里，地面積方十萬零八千五百五十里，西方則東至諾威爾亞里曼等國，西連賀蘭北爾日加二國，南接佛蘭西國，北界賀蘭諾威爾二國，長七百五十里，寬約六百餘里，地面積方約一萬七千五百里，總計煙戶一京二兆四億六萬八千口，本國東北二方平坦廣闊，地勢低窪，頗爲荒瘠，西南二方岡陵聯絡，田土膏腴，中有礮礮，河之至長者九，湖之至大者八，土產金銀銅鐵錫硝磺礬煤雄黃信石白玉琥珀瑪瑙磁砂磁粉及各色花石等，實爲富庶，穀果敷用，牲畜

海國圖志 卷五十一
蕃衍至於王位，歷代世襲，所奉之教，乃路得羅修教暨羅馬天主教。通國之人，奉修教者五分之三，奉公教者五分之二。至外國人寄寓，所奉何教，概不禁止。技藝精良，商賈雲集，在昔民皆北狄之類，不受外轄。宋理宗嘉熙元年，始有亞里曼國人進薄其地，以兵服之。明憲宗成化二年，亞里曼國人暴虐無道，本國人冀避水火，求拯於波羅尼亞國王。越十二載，遂為波羅尼亞國所轄。明萬曆四十七年，波羅尼亞國君薨絕嗣，仍歸本國管轄。時國君改立開闢疆域，中國康熙四十年，雖遭干戈之

苦然皆自能創業。嘉慶十一年，與佛蘭西國戰敗，皆為那波良所取。越九載，各國公使集維耶納地，會議復還所喪各地，仍為歐羅巴州巨邦。通國分八部：一名巴郎的布爾尼部，首邑名伯爾靈，乃國都也。建於斯波勒河岸，宮室峻麗，貿易興隆，人煙輻輳。一名波美拉尼部，首邑名斯德丁。一名細勒西部，首邑名北勒斯勞。一名波森部，首邑亦名波森。一名布魯西亞部，首邑名哥尼斯北爾。一名薩克索尼部，首邑名馬德不爾厄。一名維士德發里部，首邑名蒙斯德爾。一名勒那納部，首邑名哥

海國圖志 卷五十一
羅尼以上八部之內其巴郎的布爾尼波美拉尼亞細
勒西亞薩克索尼亞維士德發里亞勒那納等六部乃
與亞里曼國結盟通共應出兵丁七萬九千二百三十
四名其國通商衝繁之處內外不一或爲海邊大馬頭
或爲內地大埠頭兼攝之地惟一各曰牛弗沙德爾在
蘇益薩國境內

地球圖說波路西亞國又名波路斯又名普魯社東界
峩羅斯國南界阿士氏拉國西界伯利諸恆國并荷蘭
國北界海百姓約四百萬都城名比耳林城內民二十

二萬大半耶穌教小半天主教是國昔年最小厥後東
侵西佔以廓其地書院廣設百工技藝嫻習地雖平坦
大半磽瘠難樹五穀內有至大之江三卽耳蘭英江烏
達江伊拉伯江是也土產繇花布羊毛布呢綢緞磁器
木料琥珀鐵器并所造之奇器等物

外國史略曰陂路斯國漢人謂之單鷹亦以其船之旗
名之唐朝年間在陂蘭日耳曼交界屢爭鬪始立君自
衛所駐地曰班丁布歷三百年陸續廣地後衰及明永
樂八年有何欣素林者卽位抑五爵以靖地方但其地

海國圖志卷五十一
三
褊小無多物產明嘉靖間其君務令百姓服上帝崇正
教國從此興萬曆四十七年國君卒所有東界之陂路
斯國盡歸班丁布境益遼民日繁維時在日耳曼國之
西邊各據地方與歐羅巴列國結盟連兵肇衅明崇禎
年間有智勇之君曰威嚴者號第一王興馬招新民墾
荒地和睦鄰國賢才雲集三十年物阜民康其子繼述
立國嗣王好兵廣募壯士多積財帛卒後其子號威得
第二王卽位輒募兵先取親屬所據治利西之地敗東
國之兵名揚海外各國忌之結盟來侵戰攻連歲國帑

空虛既而陂路斯國權勢愈增版圖愈廣威得王之姪
嗣位不履正道欠項日積先業日衰嘉慶二年威得威
嚴王號第三王卽位甚不好戰不肯肇衅值佛蘭西國
之大變陂路斯不之助是以佛國深恨之嘉慶十年佛
國主波那穩乘機攻敗陂路斯軍降其堅城雖義羅斯
兵來助皆敗退陂那穩王遂據地大半重征稅餉待陂
路斯如藩屬嘉慶十七年佛軍在義羅斯國敗退陂義
連合結爲唇齒協力以遏佛國招日耳曼瑞丁東等國
陷其軍於是陂路斯武功大震并列國之兵入佛之都

令佛之君波那穩退位其舊主威聲王復立且恢復其
原地加益焉波那穩王再舉返國之時陂軍又合英人
擊敗之再入佛都而立其原君於是其王攝權多設學
館廣通商與日耳曼等國互易大開造製之局練軍士
益民壯其世子於道光二十年卽位力行善政廣貿易
恭奉救主耶穌祇畏上帝焉○陂路斯國大半在日耳
曼地內爲其外藩也地廣袤方圓千一百七十八里居
民二百三十七萬二千三百口平坦無山多沙其澤瀾
長江自波蘭流來者曰威悉河尼憫河近海水甚淺東

北兩港甚長甚窄惟入小船林甚廣天氣冷其都城曰
王山居民六萬五千口在必額江邊廣大古邑也多五
穀木料但悉城在巴得海中居民五萬八千口最廣之
埠也屋五千餘家多製物件并將五穀木料等貨皆
運出售於他國益賓城居民萬九千口特悉城居民萬
一千五百口此邑距峩羅斯界不遠昔佛蘭西王與陂
峩二國于此結平焉○博閔部廣袤方圓五百七十四
里居民百八萬五千丁地平坦在巴得海隅之南阿得
河分兩支又分三派入海其地大半沙礫獨比力士他

押兩邑之郊外甚腴產麥穀其海產狗肚魚琥珀其會
城曰士得丁居民三萬二千口在阿得江邊出糖冬多
雪廣通商士達孫在巴得海邊貿易次之此部之書院
在開瓦得居民一萬零五百口士達甲居民萬有一千
比力在豐地最多穀南宋寶慶間其崇佛教之居民初
進天主教故作受浸禮之池立教館以誌之。在日耳
曼界陂路斯王所據之地一日班丁布廣袤方圓七百
三十里居民百八十八萬六千口其地平坦多沙出麻
苧木料其居民頗聰敏阿得並他小港通流此地曰必

林城在小江之邊國都在焉軍民三十五萬四千丁多
藝術之師學館中海外之士雲集布坦邑距必林不遠
爲其君之行館居民三萬丁班丁布邑居民萬四千口
國之舊都在焉凡弗城在阿得河邊商旅所雲集也居
民二萬四千丁。二曰陂新部前屬陂蘭之地廣袤方
圓五百三十六里居民百二十五萬九千口邑一百四
十五座其地平坦有湖澤其林廣密最多穀最貴者係
五爵廣財帛百姓大半崇天主教城中居民三萬三
千口有教師之魁居之。三曰治利西部前屬東國廣

表方圓七百四十一里，居民二百九十三萬丁。西南多山，最豐盛，出穀豆等物。縣羊毛最細，可造好呢羽。山內產銀、鐵、銅、石、炭、硫磺、各種玉。每年所出之鐵十萬八千石，各礦值銀百四十六萬圓。所織之麻布，與中國夏布等。其呢羽由我國運進中國，每年不下數十萬匹。今我國自織呢矣。其會城曰必老，居民九萬口。廣通商，比勒居民萬一千丁。勒匿萬二千丁。勒力萬四千丁。耐士萬一千丁。地曠民繁，尙缺日用。○四曰撒孫部，在班丁布之南，廣袤方圓四百六十里，居民百六十六萬九千丁。

此豐盛之地，多產物。居民崇耶穌老教。其會城曰馬得布，鞏固之城也。居民五萬五千口，多貿易。城內塔高及雲。吉林布居民萬七千三百口。布邑居民萬四千五百口。多織呢。益弗居民二萬五千口。○五曰西法部，在撒孫西向，廣袤方圓三百六十八里，居民百四十萬。地平坦多沙，產五穀、火腿、尤勝。出銅、鐵各器。其會城曰閱得。其塔廣大，禮拜堂尤美。比田城居民七千九百口。此地出細白布。○六曰來尼部，廣袤方圓四百八十七里。居民二百六十四萬。在來尼河之兩岸，多山，出礦。若銀、銅。

鐵石炭石鹽等貨，葡萄大有名，居民奉天主教，戶口繁
滋，所製造之鐵銅器及布匹絲緞，廣通商，其會城曰哥
倫，是舊羅馬君一千八百年前所建者，居民七萬，有禮
拜堂高大，士悉突邑，在來尼河邊，居民三萬，係製造之
地，附近巴閱邑，居民三萬人，多巧思，崇耶穌本教，居民
萬四千丁，內有大書院，亞金邑，居民四萬丁，多造呢羽，
谷連邑，居民萬四千，威悉邑，鞏固之城也，在來尼河邊，
陂路斯國之形勢，東與峩羅斯交界，南連東國及日耳
曼列國，西與佛蘭西國，北及巴得海隅，居各大國中間。

四面受敵，非克自振拔，不至此，別有端士，國中之微地，
稱曰匿查得，廣袤方圓十四里，居民六萬，通計陂路國
地，延袤共五千零九十一方圓地，里其居民千五百三
十一萬三千口，或爲田並牧場，或爲園埔，葡萄埔，或爲
山林，地不豐沃，民能力農，每年產麥千五百五十萬石，
荷蘭薯更多，卽每年用千三百五十萬石，以蒸酒二萬
萬鎊，所造之啤酒過其數，所出之烟，每年約二十萬石，
運出之油亦價重，其農務過他國者，因其前君寬釋農
夫之徭役，准竭力耕耘，故有七萬新農，墾千三百方圓

地里，牲畜馬百五十萬隻，牛五百萬隻，綿羊千六百五十萬隻，豕二百五十萬隻，其價銀二萬萬圓，棉羊價千二百萬圓，其毛賣與外國者約五萬八千石，山出礦，道光十七年，掘出鐵百四十五萬五千石，鐵條十五萬石，鑄鐵器三十三萬七千石，細器十三萬四千石，長條鐵百十四萬一千萬石，鐵薄十三萬三千石，鐵線六萬五千石，銀二萬四千觔，鉛三萬四千石，銅萬九千三百石，銅器萬六千一百四十八石，黃銅一萬八千五百石，白鉛二十一萬五千四百石，白鉛箔萬五千六百石，大青

入中國者八千七百石，白信石三千石，白礬三萬三千石，鐵礬三千八百石，銅三千四百石，石鹽四萬三千石，計其礦值每年銀二千萬圓，傭工人六萬五千二百名，工費銀約六百萬圓。○陂路斯國，生齒繁盛於他國，嘉慶二十年，計一千萬名，今一千五百萬名，此地之五爵無大權，百姓崇正教者五分之三，天主教八分之三，大城十八座，居民各二萬餘，大邑八十五所，小邑六百零二座，國民精造織毛布之杼二十九萬，以織呢羽等貨，每年用羊毛二千五百萬觔，銀七百五十萬圓，絢線之

紉五十五萬件，織布匹之杼機五萬九千九百，所用之
絲花每年約十六萬石，織線素色三萬九千石，各色三
千石，織絲緞之杼計萬四千五十張，賣與外國每年約
銀五百萬，烟每年國內種者二十萬，運自外國者十一
萬八千石，用紅蘿蔔造糖約十一萬八千石，立學館二
萬二千九百一十處，男教師二萬五千五百七
十五名，入學之男百一十萬零九千名，女一百零六萬
二千名，大學院七百三十四間，男女教師二千九百名，
學生九萬名，另設兵丁之學館，又有藝術之大學百一

十處，教師千四百名，儒生二萬三千名，其大院肄業計
六處，在彼教務者五千名，教師四百名，在都內者千八
百名。○其國廣通商，運出油絲羊苧麻五穀葡萄酒木
料油種麻種鐵白鉛鐵器黃銅器顏色皮縣書本麻縣
布匹綢緞琥珀，運進之貨物，係白糖珈琲烟葡萄絲茶
香料胡椒丁香豆蔻錫硝玻璃魚牲畜，其居民文學有
名，農夫學史書，兒童知地理，女子悉天文。○其君曰威
嚴號第三王，操全權，招十八歲以上宗室，並功績之臣，
日在國內講求軍機，教門醫務，內外國之務，各有大

臣以籌事入奏，其百姓亦立公會，每同官憲議政，國帑所入，每圓重七錢，其山林爲官業者，每年售四百萬圓，賣官業之價，另銀百萬圓，鑛鑄五金，製造磁器九十一萬七千圓，驛務百四十萬圓，白鴿標務九十二萬九千圓，稅餉四千七百二十八萬圓，雜稅五千五百八十六萬圓，國帑所出者，欠項利息八百五十七萬四千圓，俸祿二百二十八萬圓，賞賚一百萬圓，大臣俸祿三十萬六千圓，教門務宜三百萬圓，內國務宜二百五十六萬圓，外國務六十六萬八千圓，軍士二千三百七十二萬

圓，刑部與所屬之務二百二十一萬圓，戶部務百四十三萬圓，工部三百萬圓，大憲百六十九萬九千圓，養馬十七萬三千萬圓，雜費二百四十三萬圓，其國之欠項萬七千四百八十六萬圓，每年務填還，近日日減矣，國居各大國之中，故募兵不少，男不論貴賤尊卑，均入陣，儒則二年，常人則必三年後，始爲民壯，每年一操演，凡兵之數，步兵八萬七千，馬兵萬九千，礮手一萬四千，第一等民壯自二十六歲及三十二歲，二十五萬丁，第一等民壯自三十三歲至三十九歲，一十八萬丁，共計五

十五萬二千丁。○有要務，其君與百姓議論，然後定納賢儒，畏上帝，崇拜救主耶穌，為眾民之表法，固保封疆，以免峩羅斯佛蘭西東國之侵凌。

海國圖志卷五十八

大西洋 歐羅巴洲

歐羅巴人原撰
侯官林則徐譯
邵陽魏源重輯

噠國 一作噠馬，一作領墨，一作吝因，一作丁抹，一作大尼，一作丹麻爾，即來粵之黃旗國也。

噠國，歐羅巴小國也。地形從日耳曼北出，如人之握拳，伸臂於海中者。東界波羅的海，西界大西洋海，北隔海與那威鄰，南抵日耳曼之伊爾河為界。地勢參差，低窪平行，高阜出水，不過數尺。半多湖沙，物產歉薄，而陸地

海國圖志卷五十一
衝衢據全洲要害東有三島曰臘蘭曰府領曰西蘭此
外尚有數島西蘭島之戈西哈林即國都也得國最先
聲勢最强好侵掠鄰國無不畏惡自耶穌千有十七年
宋真宗天禧元年加納王奪得英吉利地旋與耶麻尼波蘭兩
國交兵連勝馬額女王嗣位復統兵征服瑞丁那威兩
國是時噠國威震西海迨至幾立斯底奄王酷虐無道
國勢駸衰瑞丁背叛率眾直抵國都郊外大肆焚掠始
還瑞丁侵地二百年後瑞丁又侵取噠國邊地噠國惟
守舊疆與海濱貿易埠頭而已嗣當俄羅斯與佛蘭西

爭戰噠國介兩國間俄羅斯假道欲拒不能欲避不可
乃與佛蘭西合從而佛蘭西旋敗致芬蘭之地竟為俄
羅斯所據噠國于俄羅斯兵退後乘間奪得瑞丁部落
旋與議和以新得之波墨拉釐阿易回瑞丁侵去之老
引墨部落焉政事額設職官祿一加穩斯十九麻倫十
二大訟獄王自審理陸兵十萬戰艦大小十有四錢糧
歲征七八百萬圓舊無河道疏濬通艘內地所產始得
出海自此稅餉日增然遇意外之費即不敷用是以國
家虧欠七百五十萬圓國都設立書館一所貯書四十

萬部此外尙有大書館二千五百所蒙童館三千所文士精天文者推第谷爲最重貿易尙勤儉豪貴不敢凌貧賤也產大呢糖稻米麥其互市廣東用黃旗幅員二萬二千方里戶二百又四萬九千口日倫島即西蘭東北爲大埔頭即都城一作可品哈音一作哥卑納給諸國貨船出入波羅的海者必經由加的牙峽闊僅數里因設關權之不則搯之使勿越諸國無如何亦遂安之日倫南有兩島西南有非俄尼亞大島隔海西北爲人德蘭部其南曰勞英不爾厄部又東南爲科爾斯德音部南鄰日耳曼矣又東曰

石勒蘇益克東南北俱日耳曼國人德蘭東北西俱海多湖泊勞英不爾厄西海濱多礁石其東皆波羅的海也

噠國沿革原無今補輯

皇清四裔考噠國地居西北方凡歷海洋六萬餘里始達廣東界國中土地平行山澤少著名者有一山土名士噠國人皆從此出入前臨大海左右設礮臺距王城五十里王所居地名顛地墨領墨國之得名以此也或作作噠國即領字丁字之音轉信奉天主多同英吉利土產黑鉛琥珀白金及大青葡萄乾之屬自雍正年間有夷商來廣通

市後歲以爲常

萬國地里全圖曰丁抹國或曰黃旗國乃半地有海隔絕於瑞丁國也惟南方與日耳曼國相鄰北極出自五十三度三十分至五十七度三十分偏東自八度至十一度也其東方羣島港汊無幾船隻若通行必納稅奉丁矣國地平坦無山海邊沙磧國地扁小圓方只萬二千方里居民二百萬嘉慶年間曾爲佛蘭西糾約與英交戰而英國水師轟擊其都強其國王交出戰艦以免爲佛蘭西所有其沿海產五穀牛畜奶餅等貨赴市廣

東因插黃旗故稱此名國軍共設四萬丁戰艦數十其國餉銀每年四百萬兩王專國事不聽尊貴五爵其南方大半係日耳曼民亦同言語但本國之音與瑞典國相似○其都城曰可品哈陰在巔上爲市埠居民十萬丁其街徑直其屋華麗與日耳馬國交界有亞里多那馬頭與翰堡港最易交爭基國乃其國之南書院近英國地海中有羣島屬丁抹所轄其民業漁極北海隅冰島者風氣凜冽中有火山兼屢地震其居民捕鯨取其油衣海犬之皮更遠北極之下亦有丁抹所開新地以

漁爲務其地冰海夏時不開無船能到然民冒其險真可謂鷹飛不到名利所牽也

案四州志貿易通志每月統紀傳萬國全圖地里備考外國史略等書或有噠國而無大尼或有大尼而無噠國其實噠卽大尼之合音也考那威昔屬大尼海錄謂其來粵貿易亦稱大尼用黃旗於是有海北之黃旗海南之黃旗迨嘉慶二十年此見地里備考若外國史略則作十年各國公使會議維耶納以瑞丁地附近於噠者歸噠而割那威與瑞丁於是惟有海南黃旗之噠國

海北無那威之名矣前分大尼噠爲二今更正之每月統紀傳曰大尼國地微三濱及海惟南接阿理曼國之藩屬國延袤百七千萬正方形居民百萬有餘地平坦北面赤地窮髮曠野西方沿海地不高海水屢次漲溢築塘捍防常爲風颶所敗是以栽樺樹等以堅固其沙土產惟五穀畜牲每年賣與外國者馬萬六千隻牛七千隻設遇英吉利國穀歉價昂時所載入者歲數萬石國中建城一百邑三十七鄉二千三百里五千五百戶口希少而心高志大遊徧天下謀利積蓄當宋朝

年間土人未向化，斥鹵磽瘠，舍耕業漁，沿海之民肆劫洋面，侵掠沿海。宋朝真宗四年，深入英吉利國，國王張惶厚賄，請其退師，不許。英人乃設謀誘殲其軍，大尼國王憤思復仇，乘船縱橫洋面，截商船，擾邊境，將爲質之人，割其鼻手而溺之。遂領新軍伐南方，與土人鏖戰，日久，乃講和。不期英吉利王被弒，大尼王號曰駕盧特，遂脅服英民，從加特力天主教，賞罰嚴明，遂攻北國，屢戰皆克，既獲全勝，王沒子立，英人復興，銳力驅逐。是時大尼國五爵擅權，互相戰鬪，需索農工，國幾大亂，賢王興

馬正位修政，馭下安民。明洪武十年，大尼國王后攝權，其女主鍾山川秀氣，英妙不凡，立志合大尼那耳瓦瑞典三國爲一行軍，發令動合機宜，所向臣服，其境延袤過於鄰國。嗣王效法，亦擴土疆，盛強再世。後王暴虐，耽溺女色，宮妾猝死，王猜疑服毒，株累無辜，恃強侵瑞典，國盡殺其五爵貴人九十人，逞虐作威，彼民咸怨。乘大尼王與南方鄰邑構釁，瑞典阻兵自守，不貢錢糧，插盟誓死，不受大尼管轄。大尼王屢討皆敗，懊恨而死。于是國民進波羅士特正教，崇拜救世主耶穌，而不恭偶像。

海國圖志 卷三十一
大開海路其傳教之師遠適各國廣布教化近百年間
大尼復與瑞典國釁隙發兵攻擊奪路奔走講和讓地
大尼國威挫遂爲他國所輕百姓不悅以攝權之世爵
爲倡禍故變舊例廢五爵以王總國政柄不旁落嘉慶
二年大尼國王欲阻拒英吉利師船將其國都兵船密
泊海港多建礮位英軍排艦開礮攻之大尼稍手不變
色并力防堵英船壞舵爛講和而退七年後佛蘭西國
王復密約其國師艦巡舟合侵英國英國師船奪之遂
抵大尼國海口問罪勒降王曰甯死不敢辱國于是英

水師放礮如雨圍困都城焚屋四百間危在旦夕太子
議降將巨艦十八隻艚艖十五隻盡皆投出當時大尼
王年老邁太子無才國人會議公舉才智出眾之士爲
副王以治國

貿易通志曰大尼國或呼曰黃旗地褊狹戶口少然專
務貿易產五穀酥餅牛羊豕道光十年出口商船三千
六百九十三隻外國進口船四千四十四隻其貨價不
等

案西蘭島一作塞蘭在海中領小部落三越蘭部卽

獵蘭領小部落十有五其南塞力斯穩部領小部落

二英人名曰頓害米邑又南曰和爾色鼎部領小部落二英人曰北

音南郎哈那窪之依瀾河也此噠國全境云

地球圖說埭尼國又名低納馬爾加粵人謂之黃旗東

西北三面都界巴得海南界利曼諸小國百姓約有二

百萬都城在國東一海島內地名可本海磴城內民十

二萬統述耶穌教國內有書院土地膏腴平坦無山土

產五穀牛奶餅等物所屬大西洋有一大島名愛撒倫

有火山節次出火不時地震傍有溫泉逆流而上約高

二十丈人民業漁取海犬皮為衣

地球圖說青藍國係埭尼屬國東南西三面都界海北

近北極人民約計二萬天氣極冷冰雪不消當地球偏

北之地人跡罕至物產全無人好漁獵捕鹿海牛海犬

鯨魚等物身體矮小不甚聰明以食魚獸等肉耳現有

歐羅巴人在此傳教此大尼所侵瑞國海北地也

地里備考曰大尼國一名低納馬爾加國在歐羅巴州

之北其國土在北極出地五十三度二十二分起至五

十七度四十五分止經線自東五度四十五分起至十

海國圖志 卷三十一
度四分止東至加的牙海峽西枕大海南接亞諾威爾
國北連亞德蘭海汶長九百八十里寬四百里地面積
方約二萬三千里煙戶一兆九億五萬口地多平原海
邊雖屬陡坡險峻仍係砂磧低陷西方尤荒蕪河則無
幾其至長者惟四湖則甚多其至大者有七海島不一
東則巴得海西則北海極北則亞西蘭的海至大之島
名義斯蘭地內有火山一座晝夜吐火不熄所有各島
惟在巴得海中者土腴穀豐餘地次之土產鐵礬磁器
木料熟皮禽獸蕃衍鱗介充斥地雖潮溼而氣溫和沿

海忽冷忽熱朝暮大霧彌漫男女皆得嗣位惟以長幼
爲序奉路得羅修教其羅馬天主教暨加爾威諾修
教奉者無幾百工技藝稍庸而貿易興隆民人勤奮原
本國始與諾威瑞西二國并稱斯干的那瓦國也初則
爲夷狄所居之地其極北海寇昔日擾害歐羅巴州者
惟時斯干的那瓦國人各自置酋不相統屬迨本國哥
爾摩酋長自立爲王於是諾威國瑞西國之酋長亦效
尤各稱王耶穌降生後一千年間至加奴度生乃兼併
諾魯威牙國越二百餘載至馬加里達女王時又兼併

海國圖志 卷五十一
瑞西亞國及薨後三國土地皆并於亞里曼國明英宗正統中本國與諾魯威國更立基利斯的亞奴者爲王時二國未與瑞西國謀其國民遂別立一君自後本國與瑞西亞國永不復合嘉慶十二年歐羅巴州擾攘之際本國亦遭佛蘭西國那波良王攻圍其都迨各國公使齊集維耶納地會議乃割諾魯威國并於瑞西國將瑞西國附近本國各地裁歸本國通國分爲五部一低納馬爾加部乃本國都也屋宇峻麗工肆林立製造精巧百貨駢集一入德蘭部一石勒蘇益克部一科爾斯

德音部一勞英不爾厄部後二部乃與亞里曼國結盟通共應出兵丁三千六百名兼攝各地凡亞細亞州未里加州美里加州內皆有之

外國史略曰大尼國在日耳曼西北之間微地也益之以羣島始能建爲一國扼州中海口各國商船出入海口者必納稅餉於大尼建礮臺兵船嚴守之故地小而能富強戰守其南方居民多日耳曼語音中國稱爲黃旗古時與日耳曼同族好駛船劫掠羅馬國廢時在海隅四處攻擊唐朝年間與佛蘭西英吉利兩國戰據其

海國圖志 卷五十一
地又肆虜掠於西班牙意大里等國唐咸通年間大尼
列族始合爲一國宋靖康中攻陷英吉利民大半進天
主新教南宋咸淳年間列族之酋各廣土地據瑞丁並
巴得海隅全地威名大震明天順年與那威國合又欲
兼并瑞丁地屢戰敗退明嘉靖年其民棄新教而歸老
教至今不變後其民在四海通商如北極之島及亞默
利加羣島並五印度國等處皆有市埠又以有老教故
屢與日耳曼瑞丁國爭戰國民受害如水益深雍正以
來大尼國與中國廣通商每年商船九隻到黃埔貿易

歐羅巴各國交戰時大尼國晏然作壁上觀然佛蘭西
與英人肇衅大尼又與佛國結爲唇齒於是英人攻其
都而取其戰艦嘉慶十八年大尼國以所據那威地讓
還瑞丁國始安靜其地平坦出五穀多牛北方一帶沙
漠每風害田稼則種樹以護之居民頗有胆略遠商尋
利亦多學院與日耳曼國相連之地曰老市曰何石曰
悉威其在北地之若蘭其大島曰西蘭島小島卽副島
拉蘭島中有海峽在瑞丁間相去不過三四里乃各國
商船出入洲中海必由之路故必納稅餉民無製造只

運出五穀牛油麻子每年約價一千二百萬圓其地廣
袤千二百二十里居民二百零七萬城九十八座所屬
船九千九百隻貿易甚興其都城曰哥賓哈音在西蘭
島海口街廣屋麗悉威其邑居民一萬二千老布邑居
民一萬二千另有所據北海隅之冰蘭島廣袤一千八
百里居民五萬氣候甚冷鮮產物多火山恆有山崩地
裂之災民崇耶穌正教食魚牧羊本港所出者不足自
贍皆由外運入。其地近英國之北有法呂羣島居民
只十之七餘皆荒寒之地惟業漁及水手又有青地廣

袤二萬方里居民二萬四千冰雪長年不消無草木食
物居民捕魚而飲其油其鯨油所用甚廣各國之船入
夏與蛟蠆並伐取之百姓耐艱苦。○大尼國都在亞默
利加海隅所據之島八里居民四萬七千人多黑面在
亞非利加西邊者二十二里居民三萬三千大尼國雖
不大然扼州中海口地勢要害握商稅兵旅之權每年
入公帑千五百二十八萬圓所出者千四百九十五萬
圓欠項最重一萬一千六百六十萬圓兵士三萬火礮
千八十門

宗光化 有哈羅佛額統領瑞眾，屢出寇掠，人皆畏懼。遂自立為王，建都於斯篤和林，距海僅六十里。同區之那威亦屬焉。旋又攻得噠國之司蘭阿爾釐希，墨釐斯三島立國三十餘年。為噠國馬里額女王所滅，并所屬之那威皆被吞併。然瑞丁土人不服，屢叛屢敗。迨至噠國幾利斯底奄王暴虐無道，國政大亂，千五百二十年明武宗正德十五年有瑞丁人額斯達瓦薩者，樹幟恢復，屢破噠國之眾，竟抵國都，鏖戰三載。噠國厭兵，遂還瑞丁故地。瑞丁復國為王，復攻耶麻尼，取回粵地尼亞所侵地，又并

波墨臘厘阿數部落。凡歐羅巴各國有事，悉聽瑞丁號令。千七百年康熙三十九年為渣爾國王所敗，求助于土魯機。土魯機為之和解，遂割厘阿厘委阿數大部落，以賂渣爾。始罷兵。瑞丁僅守磽瘠邊境，越數十年，傳至額斯達瓦斯昏于政事，國內再變。王位虛懸，眾擇佛蘭西兵帥墨那氏為主。墨那氏恐本國王見討，故厚結人心，自樹又所屬那威貨物，至噠國之都交易，多被挾制，皆瑞丁之大患。立衙門四，一官一僧，一部落土著，一鄉村土著。官衙門千二百人，分三等，曰希臘，曰厘那，曰西委那。凡

海國圖志 卷五十八
各首領均世襲。僧衙門大僧師曰阿治彌涉。次日彌涉。部落中土著衙門。由各部落中選舉。有租賦者充之。鄉村土著衙門。由各鄉村選舉。有產業者充之。五年期集會議一次。期以三月。或展至四月。所議者文武職官賢否。及稅餉增減。以聽王命。凡會議之時。非服章服之希臘無坐位。那威設立魯多挺衙門。隨時會議。俟王准駁。然一事經三請亦得准之。瑞丁步兵二萬六千三百二十。騎兵四千五百八十。火器兵二千四百。蘭威阿兵八萬三百六十。有八。養兵之法。平日撥田耕種。行陣別給。

口糧。那威步兵九千六百四十。有二。騎兵千有七十。火器兵千二百七十。有八。蘭威阿駐防兵糧餉。如綏林之制。境內倫佛厘尼斯山最大。自那威之俄鼎麻迄綏林界。峯高八百丈。起伏綿亘。至北海濱。忽高起壁立。河道四。那爾河。至額佛里東出海。長二百六十里。額攬彌河。特攬河。臘勃河。自北發源南出海。國中材木。皆由此出。洋湖二。曰委尼湖。曰馬里爾湖。爲眾水之壑。歲濬河道。宣洩積水。奉波羅特士頓教。貌似俄羅斯。好文學。俗淳無盜。作事忍耐。專心技藝。推求金石草木。質性歐羅巴。

洲各國皆不及馬產金銅銀鐵黑鉛細呢白礬硫磺材
木綜計綏林各部落歲產鐵百八十萬捆達每捆達計重七十八
斤硫磺千一百五十捆達白礬四萬二千六百捆達那
威首部落沃牙哈斯向產金銀黑鉛今則稀矣那蘭斯
歲產銅七千八百六十捆達幾力斯底奄山歲產鐵十
五萬捆達
瑞丁國四部東界俄羅斯南界洲中海西北界那威幅員二十九萬七千
方里戶二百七十七萬二千二百五十二口管大部落四
小部落十有七

綏林勃羅部

東界海南界曷蘭西北界那威

領部落三產細呢硫磺

白礬押沙爾每年產銀二三千碼鉛一萬六千斤

鐵礦尤旺化倫每年舊產銅四千萬斤近年只五百

六十萬斤金五十碼銀五十碼鐵無定數

臘巴蘭部

東界俄羅斯南界那蘭斯西北界那威

那蘭部東界海南界綏林勃羅巴領部落一每年舊

產金三四十碼近年所產僅十之一

曷蘭部

東南西界海北界綏林勃羅巴

領部落九產鐵

附那威國

那威國六部東界俄羅斯及綏林西南北俱界海戶百有五萬零百三十
二口大部落六小部落七

沃牙哈斯部東界綏林南界海及幾力斯底菴山領小

部落一土產金銀今漸少

肥引墨部東南皆界俄羅斯西領小部落一

那蘭斯部東界臘巴蘭南界特倫林西北界海領小部落一產銅

特倫林部東界那蘭南界沃牙哈斯領小部落二

麻銀哈斯部東界沃牙哈斯南界幾力斯底菴山領小部落

一

幾力斯底菴山部東南西皆界海北界麻銀哈斯沃牙哈斯領小部落一

產鐵白礬黑鉛木材皆原本

職方外紀歐羅巴西北有四大國曰大呢即黃旗之連國曰諾

而勿亞即那爾威曰雪際瑞丁一作雪爾際亞曰鄂底即普魯社國論地界

此四國皆與亞勒馬尼國相隔一海道阻難通西史稱
為別一天下南北經度自五十六至七十三其南夏至
日長六十九刻其中長八十二刻其北夏至日輪橫行
地面半年為一晝夜地多山林產獸及海魚極大異於
他方其大泥亞國沿海產菽麥牛羊最多牛輸往他國

者歲常五萬海中魚蔽水面舟為魚湧輒不能行捕魚不藉網罟隨手取之不盡也近二十年内一國士名地谷白刺格酷嗜瑪得瑪第加之學建一臺於高山絕頂以窮天象究心三十年累黍不爽其所制窺天之器窮極要渺後有大國王延之國中以其學今為西土曆法之宗其諾而勿惹亞窮五穀山林多材木鳥獸海多魚鼈人惟馴厚喜接遠方賓旅曩時過客僑居者絕不索屋價今稍需即饜足矣故其地絕無盜賊其雪際亞地分七道屬國十二歐邏巴之北稱第一富庶云

瑞丁國沿革

那威國沿革附載
○原本無今補輯

貿易通志曰瑞丁為北方之國產銅鐵木每年進口貨價千三百萬員出口千二百萬員本國船二千四百二十七隻外國船入口者千六百五十八隻瑞丁一作瑞典見每月統

紀傳

萬國地理全圖集曰瑞丁國西南北三方及海但東連峩羅斯北極出自五十五度至七十七度偏東自八度至二十四度袤三千九十里延三百五十里北方峩巍

海國圖志 卷五十一
崎嶇其南沈瀚泥地其西海邊港汊洄泝若舟不幸遇
之必危其江河最多急流不長皆入布尼海隅天氣巖
凝大半難耕居民用鹿爲馬其牛羊皆雪中度生焉居
民共計四百萬丁古時此國眾蠻突出侵至歐羅巴之
南地於明萬曆年間始奉正化事耶穌敢作敢爲又受
日耳曼國侯之地兵力甚強嗣後權勢再衰五爵屢亂
於嘉慶年間國中尊貴擇佛蘭西將軍爲王修政安民
其土產木鐵銅但五穀不足用其貧民不得食餅薯則
以鹹魚參調樹皮爲食國餉銀每年二百萬兩其軍一

萬戰艦亦不多其商船亦到中國貿易其都城曰士突
訓亦通商馬頭沃撒刺乃國之書院其丁末之對面海
口稱爲鄂堡也其國之北稱爲臘地居民身矮終身住
冰雪之中勞苦養生夏時天氣又暴熱蚊毒難堪忽兩
月後轉瞬凍至其民出入乘鹿以奶哺之以肉養之以
皮穿之以筋爲弓也又那耳圍者其國西方窄地也昔
屬丁末國於嘉慶十七年始歸丁天氣寒凝與瑞丁不
異其居民捕魚以代五穀沿海礮石林立航船惟難民
性剛悍雖服瑞丁而其政事皆酋長專決

海錄綏亦占國在英吉利西少北案綏亦占即瑞丁國也非海南之瑞國明矣瑞國在英吉利之東也風俗土產如英吉利而民情較淳厚船由荷蘭往約旬餘由英吉利約六七日可到來廣貿易其船用藍旗畫白十字

地球圖說曰瑞丁國又作蘇以天國東南界海西北界那爾威百姓約有二百九十萬都城名士篤哈爾姆城內民九萬皆耶穌教有大書院國北極冷人民稀少西方多山中央江湖甚眾夏時暴熱約六十日或九十日過此則終年寒冷冰雪不消難於耕種有一獸名快鹿

可以御車代馬形狀與暹羅所出大同小異人飲其乳食其肉衣其皮取其筋以爲弓絃嘉慶十七年間那威國與蘇以天國合成一國而是國之百姓亦有一百十萬之數其天氣地勢民風與蘇以天國相符土產大抵鹿馬犬牛羊魚紅銅木料等物

地里備考曰瑞西亞國與諾魯威亞國原分二國嘉慶二十年各國公使齊集維耶納地會議將二國合而爲一惟二國田土殊地風俗不一故仍分釋之

瑞西亞在歐羅巴州之北北極出地五十五度二十分

起至六十九度止，經線自東五度起至二十二度止，東至厄羅斯國，西連諾魯威亞國，南枕州中海，北界諾魯威亞國，暨冰海，長約二千七百里，寬約一千里，地面積方約二十四萬里，烟戶二兆八億口，孤峯峭嶺，各不相聯，湖河藪澤相間，居北六十度外，荒蕪少人，河至長者曰多爾內亞，曰盧勒亞，曰加黎塞利，曰達勒加爾里，曰加拉辣，曰達摩勒，曰科達湖之大者，曰威內爾，曰威德爾，曰耶爾馬耳，曰美拉爾，曰西里然，曰斯德爾，南方稍有沃壤，北方盡低陷砂磧，土產銀銅鐵錫，窩宅白礬，硫

磺花石木料皮貨，地氣稍南，入夏日長九時，冬則夜長九時，極北則冬有夜無晝，夏有晝無夜，技藝惟精鐵器，貿易較諾威尤甚，其國於明武宗正德十五年，始不受制於大尼國，立首領古斯達鄂者為王，始改古教，奉路德羅修教，至基利斯的那女王，癖好文學，厭苦兵事，遜位於外戚加爾祿斯，而自之羅馬國游學，不復返，加爾祿斯，即查理十二王，康熙三十八年即位，年少銳於戰伐，攻克波羅尼國之地過半，波羅尼大尼厄羅斯三國，將連兵來伐，王聞之，先舉兵逐去波羅尼國王，圍困大

尼國都并敗厄羅斯之兵，威聲震一時。越數載，再興師攻波羅尼國，敗績，奔赴土爾基國請救。五載未獲，所請乃歸。復往圍諾魯威國城，薨於軍中。嗣王因以大眾蹙之，嗣王屢戰皆北，割東境之芬蘭以講和。我軍乃罷。嗣王將討本國土酋之懷貳者，諸酋懼，弑王，其子立，好戰增餉，又被廢。嘉慶十四年，國戚加爾祿斯攝王位，其養子智略過人，善用兵，所向克捷。王薨，因傳以位，亦更名加爾祿斯，即今在位之王也。西境之那威，舊屬噠國。嘉慶二十年，各國公使會議於維耶納，以瑞地之附近於

噠者歸噠，而以那威歸瑞。通國分二十四部，一名斯德哥爾摩，乃本國都也。建於美拉爾湖岸，樓臺疊起，風景雅麗，物貨駢集，人烟輻輳。一烏布薩拉部，一威士德來斯部，一尼哥兵部，一科勒波羅部，一加羅斯達部，一哥巴爾卑部，一日非勒波部，一靈哥賓部，一加爾馬部，一仍哥賓部，一哥羅諾卑部，一波勒金日部，一斯加拉波部，一勒爾佛斯波部，一科德波部，一亞慕斯達部，一基利安斯達部，一馬爾摩呼部，一科德羅部，一諾波敦部，一威斯德部，一諾爾蘭部，一仍德蘭部，其國通商衝繁。

之地內外不一半屬內地埠頭半屬海邊其所兼攝之地惟一海島在亞美里加州內

諾魯威國即那威國在歐羅巴北北極出地五十八度起至七十一度止經線自東三度起至十度止東至瑞西國西枕北海南接州中海峽北界冰海長三千四百里寬八百里地面積方約十五萬五千里煙戶一兆零六萬六千口地勢由南而北嶄巖參崖海濱礁石槎枒波濤激湧舟誤觸立碎川澤湖河相間河至長者一哥羅門一達拉門一羅慕斯達一薩爾敦一多爾內一亞

爾敦一達納湖至大者一米約森一發門一的里斯一黎斯北界沙磧寒凍不毛居民以漁為業南有腴壤稼穡四旬即熟林密少果實五金惟銀最多紋石極美禽獸繁衍鱗介充斥北則嚴寒南則燠暑冬令有夜無晝不見日者七十五日夏季有晝無夜不見月者七十五日五六兩月暴暖蚊蚋密如塵沙過此霰雪飛集皆寒凍之日矣國治與瑞西國同王而異法奉路得羅修教其天主教暨加諾威諾修教為數無幾工市少技藝庸惟商賈輻輳通國分十七部一亞日胡斯一馬斯勒

海國圖志 卷五十八
難一里德馬爾根一基利斯的安一布斯給盧一巴拉
德北一內德尼斯一滿達爾一斯達完白爾一仍爾盧
斯卑耳一南卑爾仁一北卑爾仁一羅慕斯達爾一南
德倫的音一北德倫的音一諾爾蘭一分馬爾根其通
商衝繁之地半屬海邊半屬內地之埠

外國史略曰瑞丁國僻處北方地冷不毛古時居民惟
以虜掠爲生宋朝時與大尼國始啟爭端兩國忽合忽
分明嘉靖二年百姓自擇立君曰占士達第一王聰明
智慧始傳耶穌正教明崇禎二年國王不忍視日耳曼

國天主教之徒剿滅正教故領兵入日耳曼國維持
保護以寡勝眾自是瑞丁之名揚於各國其後甲里第
十二王康熙三十五年卽位尙年少鄰國兵來攻擊甲
里王約大尼國共平之後勝峩羅斯破波蘭軍侵日耳
曼國各國皆畏其威峩羅斯軍再至甲里王迫入深林
忽峩兵四面伏起環攻王突圍出遂奔土耳其間道歸
本國再合兵力戰受傷而死國民與五爵互相鬪國勢
益廢無能再興於是峩國進迫瑞丁強奪其地政事俱
由峩國大臣主張相沿日久嘉慶年間其君與佛蘭西

海國圖志 卷五十八
交戰，民人恐懼，因驅其君，謀迎立佛國之將軍代王位。賴義國王擊破佛軍，嘉慶十八年，議平，獲那耳威國地入版輿，到中國貿易。○瑞丁並那爾威，北極出地自五十五度二十二分，至七十一度十一分，北至冰海，東南至峩羅斯，並巴得海隅，西及北海，兩國之南係平地，溪流不大，林甚密，廣袤一萬三千七百七十里，兩國居民四百四十二萬，氣候最冷，在北長有冰雪，雖夏月亦不熱，草木難生，山皆在北，而南則澤湖也。那爾威海邊，其山石礁如齒，海汊甚深，瑞丁之農地一百七十方里，牧

場三百四十方里，湖澤一千零六十方里，荒地一千四百六十方里，獨南方可耕也。五穀不足用，居民惟種荷蘭薯以養生，以捕魚爲業，山產鐵及紅銅，運出外國，百姓聰明，而不願離本土，好酒耗費，鮮製造，商船一千隻。道光十二年，運進者價值千三百五十萬圓，運出者價值千二百三十萬圓，其部回蘇突含島，居民八萬三千，峩丁布居民一萬九千，其國肄院，賢儒雲集，北去平居民一萬九千，甲申冕一萬二千。○瑞丁連那爾威國，俱磽地，鮮食物，松林最茂，其木料爲各國所貴，銀礦無幾。

業漁喜賓客瑞那兩地之民與日耳曼國之民最相親
土音不遠其都城曰吉提亞那居民二萬比音港居民
二萬二千八百是此國之大港頓害米居民一萬二千
出松板每年價百二十萬圓○瑞丁王統轄兩國事必
聽鄉紳會議有理務之大臣七員會議之大臣三員所
入國帑每年約千七十四萬圓所進用之軍士三萬九
千水師大戰艦二十隻中船八隻小船八隻礮艇二百
四十七隻那爾威國帑所入者銀三百七十八萬圓所
出者銀二百八十五萬圓軍士一萬二千水師小船六

隻礮艇一百一十七隻

皇清四裔考瑞國在西北海中達廣東界俱係海洋計
程六萬餘里國中土地平行有大山三一日庇高天牙
禮華閱三四年轍有光燭天望之若烟火四面巉巖壁
立千仞人跡不能到一日布農故巴黎自山麓達於頂
俱白沙童然無一草一木一日化倫士高勞華山中產
紅銅民爲採納於王王所居地名士的哥盧國人會聚
之地名曰乙頓巴黎距王居七百餘里國中四面皆大
澤汪洋千頃國人之散處者非駕船不能往來乙頓巴

海國圖志 卷五十一
黎蓋泊船總匯處也。凡大市鎮，當國人貿易之期，則有官司至，若古司市者，故市鎮皆設館舍，以供駐宿。置班衙，以供使令。其人信奉天主，俗同英吉利。通市始自雍正十年，至今不絕。

海錄：盈黎馬祿加國，在綏亦占。即瑞西北與綏亦占同。

一島，陸路相通，而疆域較大，人稍麤壯，風俗土產亦同。

即來粵黃旗船是也。即那威國。

外大西洋墨利加洲總敘

嗚呼，彌利堅國，非有雄材梟傑之王也。渙散二十七部落，渙散數十萬黔首，憤於無道之虎狼英吉利，同仇一倡，不約成城，堅壁清野，絕其饜道，遂走强敵，盡復故疆。可不謂武乎！創開北墨利加者佛蘭西，而英夷橫攘之。憤逐英夷者彌利堅，而佛蘭西助之。故彌與佛世比而仇英夷，英夷遂不敢報復。遠交近攻，可不謂智乎！二十七部，酋分東西二路，而公舉一大酋總攝之。匪惟不世及，且不四載即受代，一變古今官家之局，而人心翕然。

可不謂公平議事聽訟選官舉賢皆自下始眾可之
眾否否之眾好好之眾惡惡之三占從二舍獨徇同即
在下預議之人亦先由公舉可不謂周乎中國以茶葉
大黃歲數百萬濟外夷之命英夷乃以鴉片歲數千萬
竭中國之脂惟彌利堅國鄰南洲金礦充溢故以貨易
貨外尚歲運金銀百數十萬以裨中國之幣可不謂富
乎富且強不橫凌小國不桀驁中國且遇義憤請效馳
驅可不謂誼乎故不悉敵勢不可以行軍不悉夷情不
可以籌遠魏源又曰彌利堅與英夷所據皆北洲其南

則最大者為孛露國起赤道南三度至赤道南四十一
度大小數十部廣袤萬餘里國中金銀銅極多國王宮
殿皆以黃金為板飾之惟鐵最少最貴其道路自國都
以達四方鑿山平谷更布石為坦途驛使傳命數里一
更三日夜可達二千里其出音各種而別有一正音可
達萬里之外與中國官語相等非西洋國國殊音之比
故與南洲之彌利堅皆墨利加之二大雄邦也烏乎八
荒以外存而不論烏知宇宙之大哉

海國圖志卷五十九

海國圖志卷五十九

外大西洋北墨利加

邵陽魏源重輯

墨利加洲沿革總說原本無今補

此洲明代始有聞故前史無可考今述沿革自明代西人之書始

職方外紀曰亞墨利加第四大州總名也地分南北中有一峽相連峽南曰南亞墨利加南起墨瓦蠟泥海峽南極出地五十二度北至加納達北極出地十度半西起二百八十六度東至三百五十五度峽北曰北亞墨

海國圖志

卷五十九外大西洋

全洲總說

利加南起加納達南極出地十度半北至冰海北極出
地度數未詳西起一百八十度東盡福島三百六十度
地方極廣平分天下之半初西土僅知有亞細亞歐羅
巴利未亞三大州於大地全體中止得什三餘什七悉
云是海至百年前西國有一大臣名閣龍者素深於格
物窮理之學又生平講習行海之法居常自念天主化
生天地本爲人生據所傳聞海多於地天主愛人之意
恐不其然畢竟三州之外海中尙應有地又慮海外有
國聲教不通沈于惡俗更當遠出尋求廣行化誨于是

天主默啟其衷一日行游西海嗅海中氣味忽有省悟
謂此非海水之氣乃土地之氣也自此以西必有人烟
國土矣因聞諸國王資以舟航糧糗器具貨財且與將
卒以防寇盜珍寶以備交易閣龍遂率眾出海展轉數
月茫茫無得路旣危險復生疾病從人咸怨欲還閣龍
志意堅決只促令前行忽一日船上望樓中人大聲言
有地矣眾共歡喜頌謝天主亟取道前行果至一地初
時未敢登岸因土人未嘗航海亦但知有本處不知海
外復有人物且彼國之舟向不用帆乍見海船旣大又

駕風帆迅疾發大礮如雷咸相詫異或疑天神或謂海怪皆驚竄奔逸莫敢前舟人無計與通偶一女子在近因遺之美物錦衣金寶裝飾及玩好器具而縱之歸明日其父母同眾來觀又與之寶貨土人大悅遂款留西客與地作屋以便往來閣龍命來人一半留彼一半還報國王致其物產其明年國王又命載百穀百果之種併攜農師巧匠往教其地人情益喜居數年頗得曲折然猶滯在一隅其後又有墨利哥者至歐羅巴西南海尋得赤道以南之大地卽以其名名之故曰南墨利加

數年之後又有一人名哥爾德斯國王仍賜海船命往西北尋訪復得大地在赤道以北卽北墨利加其地從來無馬土人莫識其狀適舟人乘馬登岸彼中人見之大驚以爲人馬合爲一體疑獸非獸疑人非人但齎兩種物至一是雞豚食物等云爾若人類則享此一是香花鳥羽等云爾若天神則享此既而嘗其食物方明是人從此往來不絕其中大國與歐羅巴餽遺相通西土國王亦命教中掌教諸士至彼勸人爲善數十年來相沿惡俗稍稍更變其國在南墨利加者有字露有伯西

爾有智加有金加西蠟南北相連處有宇革單加達納
在北墨利加者有墨是可有花地有新拂郎察有拔革
老有農地有寄未利有新亞比俺有加里伏爾尼有西
北諸蠻方其外有諸島總名墨利加島云

貿易通志曰默利加內地自昔荒蕪人迹罕到草木暢
茂禽獸繁殖土人遊牧射獵爲生自歐羅巴商舟往彼
墾地通市商民雲集物產殷阜技藝日廣教化日興
每月統紀傳曰亞墨利加南至冰海北至冰海西至大
洋東至大西洋西北庶與亞細亞相連只隔峽也南極

出地五十五度五十九分北極出地八十度有餘自此
更南更北因冰如嶽船不能到故不知其度數西出地
偏西一百六十八度一十八分東出地偏西三十四度
五十四分

美理哥國志略曰美理哥洲處於極西自古無有海外
之人至此地者直至明代西洋明理之士遙思地圓如
球東西二方未必遂無土地於是有伊大理人名哥倫
布稟其國王求發船以往國王不允復求於葡萄牙國
王亦不允復連稟西班牙國王延至八年始蒙許之以

大船一隻小船二隻共百餘人於宏治五年八月初向西啓行二十餘日不見厓岸同舟水手防致絕糧皆欲返棹船督哥倫布再三勸勉後漸見空中有島遠有堤岸由是用千里鏡而遠眺乍見人煙鼓棹前驅船至傍岸手執小旗禱謝上帝眾皆托足在此過冬明年舟旋返國迨宏治十年復有船主亞美理哥至此久駐故後人卽以其名名此地焉正德年間有歐羅巴人解纜西行先到美理哥洲而後過亞細亞之中華之印度又過利未亞以還歐羅巴亦有解纜東行先過利未亞再過

印度過中華而後西至美理哥洲以返歐羅巴可知自西而東自東而西皆圍圓如球明矣初有葡萄牙人名嘉奴者稟請發船五隻東行旋繞至西圍地而返返之日王賜以銀鑄小地球上刻字云始圍地而旋者其嘉奴乎今則海道益習洋船自東往西或由西返東圍地而返計不過八九月之間卽可周行全地皆前人開創之功也美理哥地又分南北二方廣闊相似中有狹地相連南北二方所屬各有數國北方之極處則屬英吉利鄂羅斯二國但其腹地則爲美理哥兼攝邦國焉美有

理哥國全圖
惜未之見

萬國地里全圖曰亞默利加大地自北七十度袤至五十六度長二萬七千里其大地分兩方一南一北由巴那馬微地相連南至大南海北及冰海東至大西洋海西及大洋海一帶高山綿亘直至海邊嶽岑鬼巖在南方層崗疊嶽高接雲霓四山之中高峯百七十丈其山之左右南北廣坦袤延圓方六十萬有餘方里地雖浩瀚非亞非沙漠之比江河疏通支灌草木豐茂其高敞之地高於海六十丈似亞齊亞土沃民饒產物豐美如

白糖加菲橙柑等菓由他國而移種者及牛馬羊等五畜亦由異國運至而孳生者民分四族曰土人乃原始所駐者曰白面之氓由歐列國來者曰黑民之人由亞非利加買來者此等族類互相結親其居民似中國然其行藏動止殊異至白面之族大半英吉利是班牙葡萄牙三國之後裔古時亞默國隔重海與歐列國無往來其土民不知耕田但知游獵林內尚有幾國顏狀慈善性情敦讓但毫不識字又不知農惟待天生地產於明朝年間歐列國專務尋新地以開商路於是智士名

曰可倫奏請是班牙國王兵船望西而駛於明孝宗四年得到其地知山內藏金不少據獲其土金玉山積遇有葡萄亞船被風飄到南方亦守其新地是時英國亦調船航海而抵亞默利加北方其佛蘭西亦據福少之地此四國占據大地惟是班牙國之藩屬最延不下歐羅巴之列國也歷三百年忽於乾隆四十年間入英國版圖之士氓齊心奮勇與英死戰而自立國於道光年間是班牙之新地逐一效尤驅其舊主而各自專制此次尚存數島以及英國北地今陳其列國風俗之涓滴

民人之利病疆域之大小山川之形勢戶口田賦兵防學校之盛衰逐一詳述之

又曰北默利加冰海周繞北極沿海填灣石山巉峙天氣最寒夏亦飛雪秋先結冰冬月全係長夜星露滿天五六月間則太陽不落其冰漸消浮於海面若疊山然列西國冒危連年調船前往其境幸到北極者厚許賞給此等船冬停冰中不動水手以雪蓋船每年英吉利荷蘭等國駕船遍駛以捕鯨魚海犬海馬等獸煮肉而收其油夏時各國巡船百餘所獲鯨魚及骨價銀計二

海國圖志 卷五十九
百萬有餘兩，但百千水手，或覆舟，或被鯨拉溺深淵，好利習危，不顧生命。此海魚鼈無數，居戶捕以爲食，而衣海犬之皮，穴處土中，人甚矮陋。冬時晝夜燒油自照，此處亞齊亞及亞默利加，惟隔海峽，故峩羅斯國由其藩屬遷此，以捕貂鼠海虎之毳獸。

地球圖說 北亞美利駕大洲，東界大西洋，南西兩面界大東洋，北界北冰洋，百姓共三千零七十五萬之數。洲北地近北極，故凡沿冰洋之處，當地球偏北，天氣極寒，惟夏月太陽不隱，冰雪始消，漫浮於海，如疊山岳，舟觸

之者立摧破，其南方地當熱道，則天又極暑矣。溯三百年六十五年前，各國尙不知有此大洲，明朝宏治間，意大利國有一智士名可倫波，遍謁國王，願借船覓地，均不信從。後大呂宋信從其言，駕船至彼，果得是洲，且山內金銀充物，惜遠隔重洋，與歐羅巴列國無往來之禮，不知耕讀，與木石居，與禽獸伍，好逸惡勞，食天生之果，以後英吉利佛蘭西大呂宋三國之人相踵而至，繁延不絕，瓜分爲屬，峩羅斯國人聞之，亦徙民於茲，而割據屬地焉。至中國乾隆四十年間，是洲之民不甘屬英，兩相

決戰自立為花旗國號自主其地又是洲之南係大呂宋所屬今亦兩相決戰定為麥西可國但洲內尚有各種屬國即峩羅斯屬國埭尼屬國英吉利屬國花旗國麥西可國跨氏馬刺國是也

又曰南亞美利駕大洲東南北三面都界大西洋西界大東洋百姓約千六百萬之數是洲在昔本係英吉利佛蘭西大呂宋葡萄牙荷蘭五國管轄悉自立為國惟國之小者力不能自樹仍為荷蘭英吉利佛蘭西三國瓜分所屬洲內之國一曰可倫比二曰器亞那三曰比

魯

又名伯路

四曰被西

又名巴悉

五曰波利非亞六曰智理

又名治理

七曰伯大加宜八曰育奈士迭國大半天主教小半耶蘇教洲內多高山而土地平坦有三大江曰亞脉松江阿利挪加江伯拉達江亞脉松之江其大甲於天下洲東有極大曠野林木參天綿延萬里內多猛獸大蛇野馬野牛駝鳥土產金銀馬口鐵水銀金鋼鑽煤炭珍珠銅藥材木料五穀白饒鳥獸皮等洲之西有一帶高山名安地師計二千一百四十四丈折里得十二里計長五千四百里中有火山不時地震

外國史略曰亞默利加大地分南北兩州中隔東西海
港以巴那馬一峽相連廣袤方圓七十五萬里南及大
南洋北至冰海東及大西洋西及大東洋北極出地自
七十二度及南極五十六度偏西自三十五度及一百
七十度長約三千六百里最廣之處橫闊一千零六十
里惟巴那馬地甚窄闊只六里在南北二洲之間其西
面皆山其東面亦有山連延不絕北半地有三角之形
廣袤三十四萬五千里居民二千五百萬有大湖長河
長江東邊海隅西邊皆山地磽多沙石所有各湖廣袤

四千六百里峩羅斯及英藩屬花旗麥西哥等國俱在
南北兩地內西海隅有大西洋之羣島南半地廣袤方
圓三十五萬里形狀亦似三角沿海之山距海濱十五
里自南地嘴延及巴那馬高有三千三百丈者上永積
雪內有火山四十餘地頻震火山出火漿爲硫磺東方
平坦其山出白金黃金白銅各寶此州各國曰巴他峩
尼曰拉八他曰治利曰烏路危曰巴拉危涯曰破利威
曰北路曰巴悉曰危亞那曰可倫比等國及列西國之
藩屬地此地與歐羅巴各國自古無往來有是班牙國

海國圖志 卷五十九
智士名可倫者，通地理，默思地既圓體，東半球既有地，西半球亦當有地，因請於國王，航海往訪，望西而駛，浩無涯岸，從人皆欲退，可倫銳志前行，屆期抵一大洲，可倫上岸，見居民馴良，皆以金飾身，問知其來處，遂據此地開礦，回報國人來者益眾，於是此州名揚海外，又或過巴那國峽，而據北路各金銀山，獲寶千萬，是州廣大之地，盡歸是班亞國為藩屬，人戶雖罕，財寶極盛，後有葡萄牙國之船到巴悉國，據其地，英人亦於此亞默利加，據麥西哥金銀之山開墾，佛蘭西、荷蘭、大呢等國亦

從其後分據各地，皆較是班亞所屬地，甚為狹小，于是歐羅巴各國互相爭奪，連三百年，乾隆三十七年，英國藩屬之民，因增餉肇衅，佛蘭西是班亞荷蘭兼助之，英人於四十六年議和，由是聽其自主，不為藩屬，即今育奈士迭國，中國所稱花旗國也，嗣後是班亞於嘉慶年間，與佛蘭西交戰不息，所有藩屬亦皆叛之，各自立為列國。

地理備考曰：亞美加州，即所稱新域是也，中分兩區，界枕四海，版輿亞于亞細亞州，水道之多，甲於天下，土腴

產豐人烟稠密地氣互異

亞美里加州自緯度北七十一度起至南五十四度止
經度自巴黎斯午線西三十六度起至一百七十度止
本州之地四面枕海東至亞德蘭的海西至大海暨白
令海峽南至南海北至冰海

本州有外海內海外海者東亞德蘭的海西平海又名
大海南南海北冰海四面環繞並皆相通內海者東安
的列斯海西白令海北巴非英阿德孫二海各自爲匯
不相通達

江河之長本州爲最在南者尤甚于北其較大者南北
約十有二曰馬拉良乃江河之首也曰科勒諾哥曰多
于定曰桑方濟各曰銀河皆注于大西洋海曰馬達勤
那注于安的列斯海是爲南河之最曰馬更些注于冰
海曰桑羅稜索曰德拉瓦勒曰波多馬哥皆注于大西
洋海曰米西西卑曰北河皆注于美詩哥海灣是爲北
河之最

本州之湖最盛北區尤甚每有因陰雨漲溢汎濫國中
北區湖之大者曰意斯哥拉窩在新北勒達尼亞地曰

蘇卑里的爾，曰米濟安，曰呼倫，曰厄列，曰烏達里約，皆在花旗國之北，曰尼加拉瓜，在瓜的馬拉國南區，湖之大者曰馬加來波，在哥倫比亞國，曰的加，在北盧國，曰詩拉即斯，在北盧巴拉，西利二國之間，曰巴德斯，在巴拉西利國之南，其餘小湖不序。

本州海島甚多，有一島一名者，有數島同名者，曰日美斯，曰蘇登波敦，皆在阿德孫海，曰德拉諾瓦，曰桑諾漢，曰安的特哥第，曰迷給倫，皆在桑羅稜索海灣，曰北爾慕達斯，曰郎加，皆在亞德蘭的海，曰盧加亞，曰巴合馬。

曰盧加亞，曰新波羅委連西亞，曰桑薩瓦多，曰大安納列斯，曰古巴，曰稜買加，曰桑都名額斯，曰波爾多黎各，曰小安的列斯，曰德森達的，曰馬爾的尼各，曰瓜德盧卑，曰多米尼各，曰馬爾巴德，曰安的各阿，曰三達古盧斯，皆在亞德蘭的，與安的列斯二海之間，一名發爾哥蘭，曰諾委日耳，曰馬加連義斯，皆在南海，曰濟羅哀，曰若漢發爾難得斯，曰亞拉巴額，曰勒委列黎日多，曰瓜達拉，曰王古委爾，曰昔德加，曰哥的亞各，皆在大海，曰加拉爾哥，曰桑馬羅斯，曰桑保羅，曰桑若爾日，曰亞稜

德斯皆在白令海

本州徑地居七其著名大徑一名曰巴那馬為南北二區相通之路

本州平原草廣其在馬更些米西西北二河之間者地面積方約有三百三十七萬五千里其在南方者地面積方約有二百六十五萬里其在安得斯山巴拉西利各山亞德蘭的海暨馬加連義斯峽之間者名曰銀河平原地面積方約有一百六十八萬七千五百里其在加給大河濱至科勒諾哥河口者地面積方約有三十

六萬二千五百里其較小者不及備載

本州荒野次于亞細亞亞非里加二州之廣而磽瘠則同之一在北盧濟利二國之間一在北盧國海濱乃其較大者也

本州地氣南北互異其南方夏暑與北方冬寒均甚于歐羅巴州寒道嚴冷南北皆然物產維艱人多寒疾溫道炎熱西南為甚熱道溫和不似亞非里加州之酷烈為人物所難堪者則本州未之有也

金銀之多本州中熱道為最他州莫及至于銅鐵錫鉛

海國圖志 卷五十九
以及水銀石類等項，靡弗備具。至於飛潛動植，他州所有者，此皆蕃育。

本州人民約計五京九兆餘口。

本州原屬古教，自歐羅巴州人前來居住，始有奉耶蘇之教。迄今奉古教者三十分之一，但所奉耶蘇之教名目各殊，曰公教，曰脩教，曰路得羅，曰加爾威諾，曰厄肋西亞國教，各從所尙，趣向不同。又有奉大秦古教者。本州各國多有不設君位，立官宰理，有黎庶公舉者，有歷代相傳者。至于歐羅巴州兼攝各國照藩屬之例。

本州技藝與歐羅巴州技藝相同，蓋三百年來自英吉利佛蘭西亞里曼等國來居之後，所有技藝靡弗相授，因得工作精巧，織紡佳美。然各國中惟花旗國爲魁，百工製造俱與歐羅巴州精巧相等。其美詩哥、北盧哥倫比亞、濟利巴拉、西利等國則次之。然巴拉西利等處仍屬精巧。

本州分建各國，曰育奈士迭國，亦曰彌利堅國，亦曰花旗國，皆外人名之也。曰美詩哥，曰德沙，曰瓜的馬拉，曰桑薩瓦多，曰閩都勒斯，曰尼加拉瓜，曰哥斯德爾黎加。

海國圖志 卷五十九
日新加拉那大日厄瓜爾多日委內瑞辣日北盧日波里維亞日濟利日巴拉大河花旗國日巴拉乖日烏拉乖日巴拉西利日海地其歐羅巴州之英吉利呂宋佛蘭西賀蘭低那馬爾加厄羅斯瑞西亞等國兼攝之地暨巴達科尼亞部落分序於後
本州落機大山猶亞細亞之昆侖縣巨極南北爲本州各山之主殆無與匹敵者矣

彌利堅卽美里哥國總記上

美里哥國志略曰圍地周圍三百六十度以天測地則

美理哥地屬七十餘度中國亦屬七十餘度若以南北圍地而計周圍亦三百六十度內三十餘度屬美理哥國三十餘度屬中國中國之京城與北極相去不過五十度而美理哥國之都城與北極相去亦不過五十二度所以美理哥國之北甚寒而中國之北亦然自赤道至中國之南相去不過二十度而美理哥之南至赤道亦不過相去二十九度中國之東有大洋而美理哥之東亦然可知二地東南北皆無異惟中國之西皆列國爲交界而美理哥西則茫茫無際焉美理哥北有英吉

利附庸之國，南有墨息哥國。案墨息即墨西哥，科亦作墨是。東有壓
瀾的海，西有太平洋，然以普天下分爲二十一分，而兼
攝邦國，僅屬一分矣。原夫創國之始，卽有伊大里、法蘭
西、西班雅、英吉利、荷蘭等國人，迢遞而至，貿易至今不
過三四百年。外國至者，亦年來年返，後見其無國主，民
散俗樸，無不欲奪其土地。適值年荒，民多就食於別國，
勢益渙散，各國遂加之以師旅。新國不能自立，迨明萬
歷年間，有英吉利人稟其女王，請開新國，遂創費治彌
亞之地，及占士王，遂建城，令七人管治，內一人爲首，六

人助之。大小文武官吏，任其選用，以王名名之曰占士
城。其後泰昌年間，英吉利王嚴諭庶民奉上帝者，盡一
同歸波羅士特教，不得任意奉額利教。加特力教違者
加刑，由是國人願請徙居新國者二三百人，蓋奉加特
力教，欲隨意事上帝也。初至北方，玳理某之地，卽以此
名新洲，後又名之曰新英吉利。時有土人頭目，名馬沙
雪，厚待英吉利人，爲之地主。其後分茅列土，有馬沙諸
些部，蓋爲此頭目而名也。自泰昌天啓間，英人到新國
者三千餘人，因人眾，始分居新韓賽、羅底島、緬部等地。

惟總名則曰新英吉利矣。前英吉利人至新方者，特欲得隨意奉教，故一至後，即起殿堂以事上帝，設官職立學校。萬歷年間，有荷蘭人至新地之南方，名其地曰新荷蘭。其後康熙三年，英吉利人逐荷蘭，改其地名曰新約基。崇禎年間，新荷蘭之南，有瑞典人居此，名之曰新遮些。其南亦有瑞典人居其地，稱曰底拉華。既而皆為荷蘭人奪之。英吉利又逐新荷蘭而盡有其地。康熙二十年間，有英吉利人衛廉邊者，其父前為水師帥，禽賊極多，王賜以金不受，求賜一新地。於是王授以印信而

往，名其地曰邊西耳文也。邊者，姓也。西耳文者，野地也。謂邊姓之野地也。崇禎

五年，有英吉利人稟女王，欲居新國之極南，遂名其地

曰馬理蘭。馬理者，后也。蘭者，地也。謂王后所賜地也。順治五年，有英吉利人

至新方費治彌亞之南，稱其地曰駕羅連。內又分南北

二部。自萬歷年間，始有費治彌亞部。及雍正十年，始有

磋治亞部。越百數十年後，漸次而有十三部也。其一費

其二馬沙諸此，其三羅底島，其四新韓賽，其五千尼底

吉，其六新約基，其七新遮些，其八底拉華，其九邊西耳

文，十馬理蘭，十一南駕羅連，十二北駕羅連，十三磋治亞。十三部人口共約百數十

之維時有法蘭西國人亦開墾新地之北名爲新法蘭西後亦名干那大於是漸次自北而西而南皆有民居建礮臺意以防虞新英吉利人也由是英吉利鎮守費治彌亞之總制脩書於法蘭西之將軍令毋庸多設礮臺法蘭西將軍不允其往來傳信者則本地人華盛頓也於是總制傳檄鄰部並奏於王於康熙二十年王遣大將率兵船數十軍兵數千至費治彌亞交戰三載勝負未分迨二十四年法蘭西之大將曰滿鑒英吉利大將曰吳里富對壘於貴壁兩將皆受礮傷回營皆死旋

英吉利取勝於是逐客民毀礮臺奪其土爲附庸於康熙二十五年班師回國此英吉利初據美理哥地之原始也自康熙二十五年干戈旣息又數十載至乾隆間齒日繁田日闢貿易日盛英吉利王之心日侈遂欲加重稅餉屢與人勒爭時英吉利有公司商船自中國販茶回西國例賣貨者納稅英吉利王改諭令買茶者納之土人不服於是南駕羅連部則相約不買公司之茶囤積二三年變爲廢物費治彌亞與新約基之茶船皆被驅逐不許進口而波士頓之茶夜爲土人投諸海於

是新國人互相傳約英國若征買稅者我國一人亦不許買英吉利王大怒遣兵至新國將別項餉稅皆強勒倍收民死不肯從時乾隆三十九年新國各部眾矜耆至費治彌亞會議欲客民與土民仍前和好復其舊制收回新令於是稟王請不加征稅餉并撤兵回國英吉利王不聽反增兵艘入境掠貨船焚垣壁國人弗忍其虐如是矜耆復議密約各部落皆出壯丁整戰艦立華盛頓爲帥於乾隆四十一年七月初四日檄告各國曰上帝生民萬族同體各異性命便安其分又恐民之強

凌弱眾虐寡蠢頑之無教故又立國主以範圍之扶植之非使其朘削之也我國舊無渠長及英吉利來王我地臣我民我民亦懼然而奉之曰庶覆幬我乎庶不災癘我乎然其政非甚有害則民尙可忍而不變乃英吉利王之凌虐我國一而再再而三我眾亦忍至經年屢月而英吉利王終無悛悔其勢不可再坐視矣故不得不議立首領備兵甲以自扶傾而救危至英吉利王凌虐我國之事各國或不盡知今條列十二端告白天下知變動非我之罪

一舊例增改律例，須與國中衿耆合議，從民之願，乃英吉利王徑改新例，不與衿耆相議，及新例不便，再三稟改，不允所請。

一每歲各部衿耆來集會城，欲至議事廳商酌一切，英吉利王乃驅逐之，既逐散後，不許復聚商議。

一土曠人稀，原望歐羅巴各國人至，庶農商日盛，乃英吉利王禁止各國之人入境，不欲戶口日繁，惟英人獨擅其地。

一舊例本處理刑官，或先由衿耆選舉，或先由王擇定。

再采公議，茲英吉利王自專，不令衿耆預聞。

一舊例各部文武官，各有定額，俸祿皆出自民，乃英吉利王擅加官額，派民供給，不與衿耆同商。

一舊例各省弁兵，亦有定數，糧餉亦出自民，茲英吉利王擅自增設，調派糧餉，亦不商之衿耆。

一舊例文武員弁，或本土，或外人，不定，有事必文武同議，英吉利王不然，武員則必專用蘭墩人，有事不與文員商議，惟武員擅權，任武而不任文。

一英吉利王刻剝錢糧，多於前制，禁停貿易，大異常規。

民之所欲必違之民之所患必興之專以厲下而奉上刻他國之人以私己國之人

一英吉利王所謂各水路巡兵惟有劫掠貨船及毀拆城池縱焚房屋奉此為王與奉寇仇何異

一英吉利王使弁兵常居民舍以便時行欺侮

一被劫之良民勒令從其為賊往劫別艘如有不從即行加害

一英吉利大官諭唆各部使自紛爭並唆土蠻使害居民使各不相安

以上各事我國衿耆屢諫而英吉利王不聽國人無如之何不得不自創立邦國新國既立英吉利王亦其如我何

英吉利王見檄知十三部合為一國益怒復增兵船入境新國拒戰經年勝負未分又得法蘭西國人出兵相助于是彼此鏖戰六七年之久時三國戰艦百十艘將士數十萬陣亡者固不勝數乾隆四十九年英吉利王知新國終不可勝乃遣大臣來西講和結盟罷兵國中衿耆議曰我國之兵皆民也今既相和則眾兵盡散棄

海國圖志卷五十九
甲歸農法蘭西兵船亦返華盛頓亦歸田里矣倘英國再敗盟興師何以備之且國中有訟獄誰爲處斷必立君長定法制乃可久安長治立君而繼嗣不賢或至暴虐國亦終亂將何以善後于是乾隆五十三年春各省衿者會議于費治彌亞共推華盛頓爲首身後公舉賢者更代不世及不久任議四月畢及散歸各執所議章程回告部內之人再議一年復至費治彌亞再議然後定並公舉文武各員其戰陣所費公項尙缺二十餘萬以每年所收之餉漸次償補乾隆五十九年計新國之

民不過三百九十二萬一千三百二十五口內爲奴者六十九萬五千六百五十五口是年共征收餉銀四百七十七萬一千員時尙無都城衿者共議欲買費治彌亞與馬理蘭交界之頗多麥河周圍三十五里以築都城其河口至城之地約有百餘里由是國內規模律例已備乃立與鄰國相通之制以絕後世邊釁令民視四海如一家視異國同一體遇列國紛爭勸和爲尙此與歐羅巴內法蘭西荷蘭瑞典英吉利葡萄牙西班牙鄂羅斯大尼阿理曼等國及亞非利加洲內麻哥安遮耳

都尼士等國亞細亞內都耳基即都魯機阿黎米白頭暹羅等國相通各國皆有使至獨大清粵東則無惟有貿易領事商人來往而已此新國建立之本始也

年傳與阿丹士時歐羅巴內有法蘭西國奪新國貨船

新國遂設艦隊兵士復請華盛頓為帥二年然後事靖

嘉慶五年華盛頓卒國人呼之曰國父以其有大勳勞

於國故也按康熙二十年英吉利與佛蘭西爭議時已稱華盛頓往來其間彼時年至少亦必二十外至乾隆四十年新國起兵拒英吉利時華盛頓為帥已相距百二十餘歲矣若嘉慶五年始卒則百四十餘

歲矣蓋二人同名非一人也嘉慶六年間阿丹士在位四年傳與遮

費遜其時戶口有五百三十一萬九千七百六十二丁

遮費遜在位八年遂傳與馬底遜迨至嘉慶十七年歐

羅巴內列國干戈未息時英吉利稍人不足用乃捉新

國船上稍人以補之於是兩國復相鬪二年後始靖嘉

慶二十二年馬底遜在位八年傳與滿羅滿羅在位八

年傳與阿丹士之子阿丹士之子在位四年傳與查其

遜計至道光十七年春正月二十八日彼國則二月初四日也則

在位八年今又傳位與泛標倫矣立首領設國法之時

止有十三部見第三章至乾隆五十六年增華滿部五十七年建大基部嘉慶元年增典尼西部七年增阿噶阿部十九年增累斯安部二十年增引底安部二十一年增美士細比部二十二年增伊理奈部二十三年增亞喇罷麻部二十四年增緬部二十五年增美蘇里部道光十六年增美是干及阿干蘇部通計二十六部戶口約有千三百餘萬矣部落之名即本書中亦多不同本無定字新國中原無亞細亞內中華日本暹羅越南各國人至惟有歐羅巴內伊大理法蘭西荷蘭英吉利西班牙瑞典

典等國之人而已各國亦不過年來返其久同處者惟英吉利為多故新國人物規模體制皆不異於英吉利其後法蘭西荷蘭等國三五成羣而居由是新國戶口日盛一日康熙二十八年約有十二萬丁乾隆二十一年約百萬丁乾隆四十年約三百萬丁乾隆五十五年計三百九十二萬一千三百二十八丁前未設計戶口之法故舉大數而言至此而始立十年一計之法也嘉慶五年五百三十一萬六千五百七十七丁嘉慶十五年七百二十三萬九千九百零三丁嘉慶二十五年九百六十三萬八千一百八十一

丁道光十年一千二百八十六萬六千九百二十丁內為

奴者約二百萬生齒雖日繁終未憂人稠地狹中華已過三萬

萬況新國之未過一千三百萬者乎近見英吉利國著

書稱美利哥國原是英吉利罪人充軍至此所衍苗裔

其言荒謬無稽之甚不過英吉利人遷於喬木矣惟其

風教技藝實賴歐羅巴人始開耳按英吉利禁奉加特

中三百餘人遷往新地而英吉利因造為罪人流謫之

說以詆彌利堅人其實彌利堅國豈盡此三百餘人之

裔即此三百餘人亦因不肯改教而遷他國並非謫戍罪人也

新國地勢共列為三分東離壓澗的海數十里有亞罷

拉既俺山由南而北其景如畫自山抵海是為一分西

離太平洋海數百里又有治臂外嶺由北而南其形如線

從嶺抵亞罷拉山亦為一分自治臂外嶺至西之太平

海復又為一分所謂三分也由亞罷拉既俺山之東北

轉而往南沿海而行漸次廣大其東北角山海相連毫

無餘地東南則有平陽山河相間山頂有瀑布由基泥

伯小河下流為美里麥河干尼底河哈地遜河底拉華

河蘇貴合拿河頗多麥河羅晏屋河奴細北底河卸番

亞河其西之治臂外山高約百丈與太平洋相隔約千

每國圖志 卷三十一 外大西洋 彌利堅總記上

五百餘里，凡流注於太平海者，無不經過此山，中有一
美斯細比大河，由北而貫至南，且有美蘇里河，阿嘻阿
河，出墨息哥國海口，其北則有素比里耳湖，美是干湖，
胡瓏湖，伊里湖，安大里珂湖，磋洽湖，汕玳璉湖，南北寒
暑不同，北方甚寒，愈南愈暑，由南而北，熱亦漸減，田地
亦然，北地可以依時而耕，南地近水，時患潦浸，北邊界
與北極相去，不過三十五度，若在北極至國之南界，則
相去六十五度，在國之南界，至南之中赤道，則相去二
十五度，可知國內之地，三十度無疑矣，以三十度列爲

三分而近北極之一分，每歲中有四五月，盡是冰雪，中
央一分，每歲雪霜漸少，近南方之一分，陽和晴暖，時須
納涼，一年之四時不同，每月之寒暑亦異，故萬物之生
產自不齊，其大略也，欲知土地之美惡，必先知寒暑風
雨之候，故設一寒暑錄，用年月日較之，則可知其寒暑
欲知風信，必須以年月日紀之，方可知其大略，如馬沙
諸些部之波士頓城，每年有北風三十日，西風四十九
日，西北風六十四日，東北風四十三日，東風三十二日，
東南風十六日，南風三十七日，西南風八十八日，在華

盛頓城北風五十六日，西北風八十七日，東北風三十日，東風十六日，東南風二十四日，南風四十日，西南風五十五日，西風五十六日，在緊斯安部之巴頓而碌城十一月內，北風則三十九日，西風七日，東北風十一日，東風五十九日，東南風十六日，南風七十一日，西南風十五日，西風一百四十六日，土地美惡，亦可知矣。欲知雨之多少，須在上年每月日紀，天之星辰雲霧考驗知之。在馬沙諸些省波士頓城，每年約有二百二十四日天晴，八十四日興雲，三十五日下雨，二十二日降雪。

在華盛頓城，每年天晴二百二十二日，興雲五十八日，下雨七十二日，降雪十三日。在累斯安之巴頓而碌城，十一月內，天晴百六十二日，興雲七十六日，下雨九十七日，降雪則無。

世間日用之物，無不從地產，而至要者，莫如金銀鉛銅鐵錫之類。曩時金礦甚少，邇來始知亞罷拉既俺山之東，北駕羅連，南駕羅連，磋治亞典尼，西亞刺罷麻等部，皆有之。計道光四年，所取之金，估價銀不過五千員，五年則一萬七千員，六年二萬員，七年二萬一千員，八年

四萬六千員，九年十四萬員，十年四十萬六千員，十一年五十二萬員，十二年六十七萬八千員，十三年八十六萬八百員，十四年八十九萬八千員，銀與銅及水銀則或有或無，鐵則各處繁多，不勝用，惟錫及各項珍寶甚稀，煤炭則邊西耳文等部，良而且多，其始地曠人稀，樹木叢茂，人只取木而不取煤，今則煙火日繁，樹木不減於前，而煤炭愈旺於昔，鹽則三面煮海，且有山中鹽池，及鹵石亦可為鹽，更有一山，其水可作藥，中有油氣，竟可燃燈焚物，此乃土產物性之異者也，凡金、銀、鉛、銅

鐵、煤、鹽、中華例禁，不許私開，惟西國人准取，樹木約有百三十餘種，高者約三丈餘，而至高者，則莫如橡木，間有八九丈者，以之作船作柱，甚美，其木則有四十四樣，次則核桃，亦有十樣，次則楓樹，高茂，其汁甘可煎糖，每年約糖數千石，美蘇里部內，有一株最大，身圍四丈六尺，次則樺樹，尤壯觀瞻，其皮可代瓦蓋屋，作舫渡河，土人用作小舟，輕捷異常，出入背負，渡水既迅，攜帶又便，亦有蠶桑，以為綢緞，其餘飛潛動植，他國所有者，新國皆有之。

開國之初無知無識不諳工作之事或有人力而無物本或有人力物本而無知識皆難成器必三者兼備而物始成卽如中華之綢緞磁器既有人力物本又有知識何怪其精美如中華之匹頭已有人力知識獨無物本何怪其不成至中華之時辰標雖有人力物本而無知識亦何所用新國則不然如有物本而無知識則延他國知識者以教習或有知識而無物本亦往別國運載或有知識物本而無人力則以物力代之如水力火力獸力皆是昔新國之南方棉花稀少且一車一機及

一人紡織成就不易故棉價最高迄嘉慶二十年間國人知識日廣每地置車數十架不用人力而以水力運行紡數十車之花以一女兒監之而已織布每地置機數十張不用人力而以水力旋繞數十機之布亦惟一小女督工而已茲有一紡織所內有紡花車萬五千架每日能織布四千丈共計八百人男一百女七百一女每月工銀十二元至二十一元不等內一總管理所有出入之買賣其工銀每年三千元別有一人總理八百人之事者其工銀每年二千元至商主所贏之息則十

海國圖志 卷五十九
之一已故近日棉價日賤乾隆五十五年前每年棉花
從未有三萬八千斤者至道光五年間每年多至二萬
七千萬斤估價銀二千七百萬圓留五分之一在本國
自用餘皆販賣別國自道光六年間至今棉花日增比
之二十年前之價則已減三分之二然今之爲商者得
利反重於二十年前是以織布日多前此多用苧蘿布
自棉花日增苧蘿日減至大小呢則資羊毛故牧羊者
亦不少此物始自英吉利而國人效之究不如英吉利
之精故土人不買本國之呢至今則用水力爲之益巧

益多並流販於別國亦有人力爲之者留以自用其
水力爲者則賣與人也若磁器國內雖有其泥惟不能
制如中華之巧今始略有焉書板則極多皆不用刊板
而用鉛字活板故鑄字制紙印書三等人甚多

美理哥出商外國者其始極少今已蕃盛乾隆五十五
年共計外商本利銀一千九百萬員至嘉慶元年則六
千七百萬員其貨物不過魚油獸皮牛羊猪馬煙棉花
五穀等類工作則有鐵器磁器木器玻璃器而已國中
關稅甚少無論入貨出貨皆無重歛然在本國交易者

則不過南洲數國，在歐羅巴洲內，則有英吉利、法蘭西、荷蘭、葡萄牙、西班牙、破魯斯、瑞典、鄂羅斯等國，在亞非利加洲內，則有埃及多國，在亞細亞洲內，則有都耳基、回回、印度、葛刺巴、小呂宋、暹羅。大清等國，究其初至，大清則在乾隆四十八年，始由此日盛一日。道光十四年，本國入口船五千六百二十八隻，外國入口船三千九百五十三隻，本國出口船五千八百八十六隻，外國出口船四千零三隻，每年增減，皆有冊報。道光十三年，一千八百八十八隻，內大船六十五隻，一所載之

貨，道光十四年，變價銀約二百餘萬。山中之物，變價銀約四百五十餘萬，屠宰牲口，變價銀約有三百餘萬。農圃之物，變價銀約八百餘萬。棉花變價約五千餘萬。煙變價約六百五十餘萬。工作之器，變價約七百餘萬。共計變價銀約一萬萬餘。通計出口之貨，惟棉花為最。道光十五年，售出百三十六萬六千五百九十九包，十六年，百六十三萬六千五百五十九包，每包約價銀七十員，其銀萬有一千五百五十五萬九千一百三十員。上年每包約六十五員，本年價稍昂，以二年相比，則十六

年多於十五年二十七萬包，俱在外運回之貨，約銀一萬二千五百餘萬員。首領最喜貿易，日繁故有數款貨物出入關口，毋庸稅餉者。

美理哥國有都城之官，有各部落之官，各部落內一首領一副領，議擬人員無定數，公選議事者或十餘人，或數十人無定，各省設一公堂，爲首領副領及土人議事之所，事無大小必須各官合議，然後准行，卽不咸允亦須十人中，有六人合意，然後可行。本省之官由本省之民選擇公舉，都城內有一統領爲主，一副領爲佐，正副

統領亦由各人選擇，每省擇二人至都城合爲議事閣，又選幾人合爲選議處，統領每年收各省餉項，除支貯庫，不得濫用外，每年定例享祿二萬五千圓，若非三十五歲以上及不在本地生者，皆不能任此職，例以四年爲一任，期滿別選，如無賢可代者，公舉復任，若四年未滿或已身沒，或自解任，則以副統領當之，副統領不願，則推議事閣之首，若亦不願，則以選議處之首護理，設終無人願當此職，則吏政府移文於各部，首領遍示土民，速舉焉。統領三職，文武官皆聽其號令，若遣使於鄰

邦或迎使別國皆統領主之副統領亦由民選舉亦四年一任享祿每年五千圓所司無事不過議事居首而已至議事閣與選議處皆以每年十二月內之初禮拜一日齊集都城公所會議議事閣之職每部有二人計二十六部共五十二人選議處共二百四十三人以議事閣五十二人分爲三等以二年爲期輪退後復擇新者是以每等以六年爲一任不過或先或後而已又定例年未及三十以上者不能當此職議事處則以二十五歲以上爲例二年爲一任期滿別選以十二月初禮

拜之一日齊集會議凡國中農務工作兵丁貿易賞罰刑法來往賓使修築基橋之事皆此時議之吏政府首領每年俸六千員亦有左右佐事者幾人戶政府如之兵政府之首則有幾百人以佐之廉俸亦如之別有水師兵部惟專理兵船亦有佐事數十人每年廉俸亦如之禮政府不過數人佐之每年廉俸四千圓驛政府總理各部落來往文書設驛於各部衝要如有書札寄某處則以路之遠近計程費之多寡其銀以每四季包封送驛工食銀亦由驛政府發給政府廉俸每年亦六千

圓國之大政有三，一則會議制例，二則諭眾恪遵，三則究問其不遵者。是以國都有一察院，院內共七人，以每年正月齊集，究人因何不遵法律之故，審畢或二三月，然後回家，其各部亦分設七院，每年以四季齊集，究問不守例者。但為審官則不能會議，制例會議制例官亦不能兼攝審問也。新國制例有五，一曰國例，為二十六部所通行，二曰部落例，各部不同，三曰府例，每府亦不同，惟生於斯者守之，四曰縣例，各縣自立其規，各民自遵其制，五曰司例，亦由司自立，惟所屬者遵之。此五例

中又小不能犯大，如司則不得犯縣例，馬國例乃都城議事閣會議，分發各部，今將各大典悉列於左。

- 一歲征糧餉，所有動支各項，皆於餉內撥發。
- 一國幣不敷，必會議預為籌辦，免致臨時拮据。
- 一與各國貿易，各部交通，即本土蠻人皆宜同一體。
- 一流民准其寄居入籍，以免失所。
- 一設局鑄銀，務權衡輕重多寡，以歸畫一，並嚴禁偽造番銀。

一設驛傳遞公文書信，以時修其橋路。

一教人習學六藝如六藝中有超眾者則別予獎賞或能自創新制開前人所未及為今人所樂效者亦獎賞之

一各部立察院以審判民間之事或三部立一或二部立一視部分之大小酌議

一宜防海賊剿劫如有捕獲無論本國外邦必照例治罪或有謀反叛逆及在外國滋事尤必照例嚴辦

一如遭外國欺凌統領必先曉諭萬民倘未便講和

致動干戈務必踴躍向前若兩相盟會即可戢兵

一以錢糧招民為陸路水路之兵必嚴核其技勇

一水陸兵士務遵約束不得騷擾

一國有攻戰除國中官兵而外凡民有肯同仇敵愾者即議給口糧

一專設法以治都城與治各外部不同

前例十四條如有不遵者則設法以引導之除此例外首領亦不能任意自為凡統領遇饋送當受者亦必商之議事閣及選議處使大小文武皆得

倣行國人以律例爲重不徒以統領爲尊此外則由各文武自立例款以約束其民但不得以部例犯國例其各府文武各自立例以治因地制宜惟亦不能以府例犯部例耳下至縣司亦如之立一國之首曰統領其權如國王立各部之首曰首領其權如中國督撫一部中復分中部落若干如知府再分小部落若干如知縣其國都內立六政府如六部尙書惟無工部而有驛部凡公選公舉之權不由上而由下通國水陸兵事則推統領爲主兵有不遵者懲之都

中六政府之首必聽統領選擇副者則由正者擇焉設有升調革降皆請命於統領給文蓋印然後莅任國內刑獄事如察院審判不公統領亦可更正之設與外國相爭外邦求和統領必會議而後定計或外國使來或本國使往皆統領所理也每年各省官會議之際統領將一年收支各項言行各事出示於眾並本年未行各事亦示之於各部官若各部官散後復有要事或與例不符統領不能決者則出示召各官復至議焉所有條例統領必先自遵行如例所禁統領亦斷不敢犯之無

海國圖志 卷五十九
異於庶民而後能爲庶民所服至各部落亦有例其首領初立例時亦如統領自誓卽都內各事亦如統領國內之事府州縣司皆倣此惟部府州道阻且長居縣者或艱於往返故如有事會議亦惟商之於縣也議事人例非二十一歲以上不得預常例以三四月爲期如有要事則無論何月每年議事多少幾次亦無定數前期縣官示諭某日某所公議何事至期耆老通知於眾各將所欲公舉之人書名紙上置甌內後開甌以人多公舉者爲之選官選人之時領事人亦先質於眾或有人

起對請領事自行裁奪則領事再語於眾曰如眾中有欲吾選者則舉手爲號如舉手過半者則可如未過半則不可又如都中府中州中有要事會議則各縣各應選人赴會領事則謂眾云今選人往城會議當令何人往眾亦將保薦之人錄名紙上置甌啓甌如前例凡縣官之職一則以選人爲首所有縣內一切諸事皆必盡知卽非其所管者亦必周知二則在縣內收餉必悉知縣內人丁多寡何人有田若干何人有地有屋若干三則總理縣主一年收支各數言行各事登錄存檔不能

苟且漏入漏出其外則有總理揭借拋欠偷竊捕盜濟貧等數人如非常任事者則別治生業如常任事者則各有俸祿

國中察院有三管理都城者曰京察院管理二三部落者曰巡按察院管理一部半部者曰分巡察院在都城者衙門共七人一正六副每年正月齊集會審各案一次如有因事不至者四人亦可審不及四人不能審都城之內若有不遵例者亦京察院審之若巡按察院審事不正任其轉告於京察院巡按察院衙門有七其一

管緬新韓賽馬沙諸些羅底島四部其二管干尼底吉華滿二部及新約基之南半部其三管新遮些部及邊西耳文之東半部其四管馬理蘭底拉華二部其五管北駕羅連及費治彌亞之東半部其六管南駕羅連磋治亞二部其七管建大基典尼西阿嘻阿三部惟亞刺羅麻累斯安美士細比美蘇理伊理奈引底安美是干新約基之北邊西耳文之西費治彌亞之西等部人數無幾故以分巡察院兼理之惟每巡按察院審事時如無京察院在則不能審若有要事則必有二巡按而後

可又每年齊集二次審判如此數部內有人在他巡按察院所屬地犯法則卽由巡按察院審之至分巡察院衙門共三十有三每院內一分巡察院每年審事四次若有要事則無定次倘審不公亦可轉告於巡按察院此皆國察院也其外又有數部察院部內犯法則部察院審之府州亦如是凡察院內有各科房各工役以聽差遣凡原告被告有愚蠢者則有人代爲書狀並同上堂代訴人犯既齊察院兼擇本地衿者以助審衿者少則十二人多則二十四人除本犯之親友兄弟外卽先

知有此事者亦不能預既審後出而會議遂定曲直據衿者將情由寫明送呈察院而退察院觀其是非照例定罪每縣中亦有地保幾人勸和小事國內立一律例院有室數十餘間每間有一師掌教凡進院習讀者以三年爲滿皆訓告規條律例使人知遵守

國中犯法大者爲反叛殺人強劫放火立國以來告反叛者未之有也殺人則每年多少不定強劫每年終不能無放火則二十六部中每年不過五六次其強姦每年亦有二三次情姦亦時有之其餘或冒名僞造或竊

盜爲非，或相關相爭，或醉後逞凶，今以馬沙諸些一部言之，其犯法監禁者，道光元年，則有七十一人，二年，則八十四人，三年，則九十一人，四年，則一百零七人，五年，則八十六人，六年，則九十六人，七年，則八十一人，八年，則八十人，九年，則百零四人，十年，則七十九人，十一年，則百有十五人，十二年，則七十一人，十三年，則七十六人，十四年，則百有十九人，是年內竊盜者八十八人，冒名偽造者十人，強劫者四人，放火者一人，爭鬪者五人，情姦者六人，強姦者二人，脫逃復捕獲者一人，殺人者

二人，以上各年監犯，以十四年截計，除審後放出監外，尚存一百七十七人，刑法則有三，一絞死，二則監禁，三則罰贖，並無梟首，充軍，拷打等刑，凡反叛海盜皆絞死，殺人強姦強劫放火等如之，或永監禁焉，其餘或監禁，或罰金，隨情輕重，各省各府，皆有監獄，監內左右上下，皆用大石爲之，或數人一房，或一人一房，皆極潔淨，亦有小窗通風，房外四圍有欄杆，餘地可以散步，管監官體恤其衣食，勸戒以善言，約束以事業，今計道光十五年，馬沙些監內犯人，所作工銀，除管監官教師，並看門

兵丁等工食並各犯衣食所用外，尚存銀七千二百九十六圓，盡撥充公。

新國之濟貧也，未貧預防其貧，既貧則防其愈貧。如其防火燬，則多以磚石疊築，並設水車水筒，以備不虞。防電閃傾頽，則立一長鐵杆於門以拒之。電見鐵杆，即自頂旋繞至杆下而去。貧人收作傭工，倘無人收用，則本縣設濟貧院以居之，各分以事業，所得之項，全數入官。倘生子女，則有塾師教之。府省亦然。至會城村族，不許有一丐食流離之人，然非先立一濟貧之法，又安能禁

人之乞食乎？凡有國者所宜留意。

每鄉設學館一所，鄉中富者科銀延師教一鄉子弟。若鄉中無富者，則在會城中官員處借助，其就學之童，每夕回家，男女皆可以為師。若女師束修銀，每月不過六員，至十員。教女童讀書外，並教刺繡，男師則二三十員不等，亦有專教一家者。又有縣中學館，有無多少不定。惟鄉學館不拘貧富，縣學館無束修者不可入，因此項延師故也。其館本處人稟縣官而後建，或縣官公同建造者亦有之。其中所學，比之鄉學又略大，更有會城

中學館多少無定，城中富者建之，或設會而以會項建之，或官員助之，館中條例，擇幾人議之，並司其事，然後遍告同學，學者每年考試一場，取中者入館內，如中國之秀才，習學以四年爲例，不遵律戒，不待四年，亦可以逐之，既習四年，則如中國之舉人矣，散館後，或爲官，爲士，爲農，爲工，爲商，而各司其事，別有大學館，惟許已中舉者進焉，所學有三，一聖文，二醫治，三律例規條，二者不可兼得，又以三年爲期，期滿則猶中國之進士矣，會城學館，每部一二所不等，三四所不等，惟進部者通融

計算約八九十所，每所延師五位至三十位不等，截長補短，每所約十位，其師每年束修銀一千至三千餘圓不等，受業者每年每位送束修銀一二百圓不等，每館之徒二三百不定，通融牽算，不過百四五十人，分析言之，聖文大學館，國內約三四十所，每所師四五位，受業者約七八十人，又醫治大學館，約三四十所，每所爲師者約七位，其徒數十人，習律例之館，師徒多寡，亦與醫館大同小異。

新國器械與中華異，不但船隻之桅帆槳櫓，卽築屋建

樓鋪設以及兵器皆然。火礮能用彈子數十斤，手鎗之口則有小劍，但無弓箭長矛籐牌而已。國人皆好音樂歌唱，故有吹彈敲戛各器，童蒙卽有樂師教之。又有畫地理山水人物花卉鳥獸之工，次則雕刻之工，又其次則建華屋築高橋等工，或有能創新出巧，如火輪船及水火織布之類，則地方官獎勵之。

新國立仁會以濟在監之犯，昔監內弊端甚眾，由監出之犯爲惡甚於前，由是會中遂改各監之規模，分布二十六部監內，分善惡兩途，善者居寬廣之所，惡者居淺

狹之所，俱不能相見。前收監者無事業，今則一日不能閒，並有善書於禮拜日使誦，故今之犯法收監者，出監後卽痛改前非，且前此監中所費極多，今犯人作工營生，故每年除支外，反有餘貲。見十章又聾盲啞者，原屬無用，今國內立仁會設館訓習，如聾啞者亦以手調音而教之，盲者卽有凸字書使他以手揣摩而讀，至幼失怙恃者亦有育嬰之院，若醉酒亂性難以強禁，乃設一節飲會館，內藏一簿，登戒飲者姓名，願戒不願戒各從其便，既進戒館後則不能再犯，共計各部此館約有四五

海國圖志 卷五十九
千間其登戒酒簿者約二百萬人其造酒之舖變爲他
項貿易者約四五千間將酒舖賣人別尋生理者亦約
七八千間故酒費日少戒飲之人日多又城中設醫生
七十五人訪察酒之損益今則皆知其無益而有損故
戒而不飲者大半至于水手輩多是貧乏之人故會內
亦濟之並及其妻兒也凡無力延師訓習者亦設院延
師以訓之國人於禮拜日皆不作工故設一會所逢禮
拜日教人內藏書極多如不在者亦可借回家自習至
禮拜日復送回又不至學館誦習者亦延師至家而教

亦有刊刷小書分贈令人學善者亦有一院專刊聖書
出售如無力買者亦可贈之別有一會名曰勸和會如
兩人相爭或鄰省相鬪兩國不和者勸之每會中所用
多者每年不過二十萬少者不下數百圓

開闢之始未有人類上帝既造一人爲萬物之主又立
一女子以配之夫婦之禮自此始歷代相傳無異但無
立妾及少年預聘之例年十五以上者訪求淑女若非
親誼則踵府謁其父兄結好往來三五載彼此賢愚皆
已知之或面訂佳期或各告父母並無奠雁迓輪及聘

海國圖志 卷五十九
定之禮娶之日男女升堂攜手有一官或族正等書二
人名蓋之以鈐記印信其後報丁冊內列夫婦姓名自
後必終身偕老國中二十六部無君臣之名惟有上下
之分國領部領府領縣領之不同各首領起居飲食衣
服亦無異平民但事權屬之人人皆敬之而已其兄弟
父子朋友三倫與中國略同

新國衣服之制帽高至七八寸不等或以黑絨灰色絨
爲之其矮者或圓或六角八角帽前有皮簷一片以遮
日光常有帽帶繫之冬寒則以法蘭仁氈爲內衣短小

無領外加一汗衫四圍纏身不甚寬大其領高出至額
下有一頸巾繫之其外蓋一背心前夾後單高至頸膊
下則用法蘭仁氈爲短小之褲外則蓋大褲汗衫在裏
前後有兩鈕扣以十字交加帶過膊弔扣後蓋一長衫
四圍纏身光滑無紋袖長至掌領包至枕後前長如背
心後長至臀以羊毛氈爲襪長不過膝鞋以牛皮爲之
底面皆然但底厚不過五層薄則一層面亦有帶繫之
靴亦長不過膝底厚者多上下皆用牛皮穿時以大褲
腳蓋之所有衣服鈕扣皆開在正面無左右開也飲食

則每日三餐早膳或飯或麵及肉亦有牛奶雞蛋牛油
 茶架菲架菲者將青荳炒焦研末水煎或白滾水冲隔渣自七點鐘至十點各
 隨其便惟不多食名曰早餐至一點鐘及五點後所食
 則雞豚魚鴨牛羊多用燔炙自割而食並有生菓糖菓
 牛奶雞蛋等物或茶或酒合家同一檯檯面用布鋪蓋
 後置各物其上男女各一便每人以一碟盛物不用箸
 惟用刀叉調羹等隨人暢飽故名大餐晚上六點鐘至
 九點不等所食者與早餐同此日用飲食之常規也至
 於出外則車馬或一車一馬至四馬不等每年月中並

無節氣每日亦無吉凶惟七日一禮拜而已餘與中國
 無異喪事始死則有一人為之沐浴止穿一汗衫歛手
 合掌置棺內逾三五日葬焉山地內或以石以鐵以錫
 圍之然後放棺親朋送葬素服不用白而用黑墳之上
 下皆有石碑碑上錄亡者之生辰死忌又圍石欄杆以
 防牛羊踐踏原志序曰予生於美理哥國之馬沙諸此部中以地球格之則與中華上下相對焉
 可謂一天一淵也今年三十有七竟得渡海繞地而及
 中華歷見英吉利法蘭西荷蘭西班牙利未加暹羅日
 本中華等國之士與各國之文藝豈不奇哉回憶少年
 在本國舍農業儒登大學之堂者三年始進會城書院
 而肄業於各國古今文史地理天文律例規條四時土
 產悉欲博覽研求以應每歲掌院臨場彙考毋得踰等

在內四年文憑給領由是出而進於大院習古聖經文
 亦幸上等三年別撰文憑時年二十有八家無內顧遂
 欲遊覽異鄉之風俗兼以予國所見聞傳播異土幸於
 葛留巴新埠麻六甲新嘉坡得逢唐人領略華書七八
 載歎華人不好遠遊至我西國之光采規模杳無聞見
 竟不知海外更有九州或者上帝之啓予心乎將使宣
 而播之聯四海為一家也不揣固陋創為漢字地球圖
 及美理哥省國全圖又以事迹風俗分類略書百年
 而後流入中土或有不恥下觀者其將擊節歎喜乎抑
 拉雜摧燒之乎雖然觀域外之士必不方隅自封而
 笑我已道光十八年歲次戊戌孟夏
 高理文題於新嘉坡之堅夏書院

